

列  
朝  
詩  
集

# 列朝詩集

甲集第十二

宋太史公濂 六十一首

王待制祿 七十首

蘇編脩伯衡 十八首

宋太史公濂

舍人璫 四首

博士紳 七首

張按察孟兼 六首

濂字景濂浦江人少與胡翰仲申偕往白麟溪從吳萊先生學悉得蘊奧又游于鄉先生柳貫黃潛之門兩公沒遂以文名海內至正己丑用大臣薦卽家除翰林院編修以親老固辭入仙華山爲道士易名玄真子庚子歲徵至建康授皇太子經居禮賢館脩元史召爲總裁官仕至翰林學士承旨兼太子贊善大夫太祖稱爲開國文臣之首四夷咸購其文集問其起居學者稱爲太史公不以姓正德中追謚文憲公生平著作最富濂溪前後集在元季已盛行於世人國朝者劉誠意選定爲文粹十卷門人方孝孺鄭濟等又選續文粹十卷皆孝孺與同門劉剛林靜樓璉手自繕寫刊於義門書塾丙戌歲余于內殿見之孝孺氏名皆用墨塗乙蓋猶

遵華除舊禁也悲感之餘附識于此

憶山

平生絕俗尚幽期在一壑衙庑周曲汜班坐蔭蘭薄日嫣花欲笑風迅燕  
飛弱疏峰挺飛莖平楚下饒鶴厓傾石似行澗折泉如約何時稅塵鞅賦  
歸躡樓層

簡吳山長

先生天下士鬚白漸將翁官卑遭俗罵家破坐詩窮秋林崖荔雨春浦鯉  
魚風盡是相思處如何學燕鴻

清夜

弱志苦清夜奈此強慮嬰反側不能寐稍寐忽成驚疏櫺生遙素恍疑曙  
光升起行盼霄霄月華流空明繁露方塗塗嘉樹尚冥冥曳履步庭除東  
山錯緯經寥落直至旦飄零嘆何營

游覽雜賦三首

輕舟疾於馬蕩此脩渚麋但見山西行不知舟東移汀花疊相迎欲折隔  
漣漪亭亭思美人泯泯忘世機多情有白鳥先後掠人飛

別後不見山比昔山如長林陰沒鳥影巖聲答人響  
鮮色青染足藥花大如掌蛇徑已盤百石崖始開兩  
獨笑脫層巖古今一俯仰幽厓不知日濕氣晴猶重  
苔列無文錢隨陰貫寒洞發嘯破玄靄萬象爭迎送  
磴危石欲舞雲走山如動思招幽鳥下驚飛受新弄

次黃侍講贈陳性初詩韻

憶昔遊虎林年壯已非冠旅食嘆酸辛敢望諸侯傳  
捉衿肘已露納履踵成穿甘從原思貧恥學毛遂薦  
薛若丹丘生文采超衆彥精魄更蔚麗鵲展垂天翰  
每逢羅浮春含笑解貂換列飲杏花陰吹笛脩羹獻  
微酣雙耳熱欲議層疊見弘深劇王霸險詭雖神幻  
踏月或起舞留連過夜半恒思酒星臨手不離壁散  
忽騎東海鯨歸餐赤城飯于時海大魚鼓鬣正湍悍  
颶風挾洪濤漂沒無泮岸手操丈二矛欲刺忘身賤  
指麾集羣魚薶食待東旦更陳清海策銜袖書一卷  
大言驚衆聽讀者冷背汗九閭不可通志士徒扼腕  
因作山水游所幸脚力健酒經七家箋詩囊五采爛  
走馬過粵郊看花入荆甸醉餘兩齒豁雙鵬傷一箭  
湘流去洗耳杳不聞治亂自余湖隄別久矣蹤跡判  
秦淮詫再聚何異箴得線示我諸遺篇令人憶東觀

襄陽耆舊亡文園白日晏讓之如脫葬夙夜宜繼緒

出門辭爲蘇鵬賦

憶昔出門時營魂不相依亂行忘庭欲東却從西升堂拜嚴父鶴髮七十餘欲語不成語涕下如縷縻老妻哭中閨半世嘆分違執意垂白後亦復不同棲妾病入骨髓一命僅若絲不知君還日能有相見期爭如床下爲反得隨君之不忍出門別難禁君去時言已咽就榻見者皆歔歔流雲雖無情慘澹亦如悲瘦女候庭前含泪整衿裾東風尚苦寒凜凜中人肌願耶善自愛以慰兒女思三孫拜馬前頭角何纍纍大者始十齡小者猶孩提伯仲似解事飲泣貽慘悽季也最可憐頓足放聲啼我欲同翁去明日同翁歸石人縱無腸對此能自持二兒相逐行直至雙溪涯泪眼似井水源源流弗虧舟師催棹發丁寧且遲遲我父去終去幸得緩斯須于時天漸暗密雪學花飛山林盡變幻白玉爲樹枝觴聲伊軋動兄弟爭牽衣但得到睦州不敢再相隨強顏麾斥去掩泣立沙坻盤回過前灣跂立猶不移我時情懷惡有目何能窺急入篷底卧冥然付無知同行堅慰解沽酒買紅魚酒飲未終觴酩酊已如泥至重在天倫誰寧不念茲無淚灑離

別此語非人爲况我志丘壑豈欲阨路岐但願身強健定得返故廬長幼聚一庭春筍薦時鷄重廣考槃詠勿倡出門辭

和劉伯溫秋懷韻

四首

劉旅興五十首中與此韻叶

嫩女顏如花身有椒蘭氣胡爲素風生白艸同顛顛金鸞委鬢雲愁容怯新媚黃金固云貴鑄形難鑄淚已矣復何言榮名本非覲僊人韓伯鸞弄簫吹紫蘭一吹洞芝長再吹翠雲寒紅日長不死何憂芳歲闌常乘雙鹿車遨遊三素端有時念下土臨風動哀歎浚川泉竇疏不浚川乃塞鑿牖漏簷明弗鑿坐深黑感此益自愧空負軀老及近方學心齊萬動一時寂面對天闕山終日如賓客默默兩無言巖安瀾將父

我家潛溪曲正面溪上山採桂作闔廬文杏爲重關新栽二尺松毳毳雜黃管白鶴寄書來問我何當還移之萬仞岡瘦骨撐屏顏

送劉贊府之官都昌五十韻

都昌古鄖陽舊號爲江國右拒落星灣左據彭蠡澤巖霏朝散蘋川景時眩白居然風氣會生聚密如織名區列象犀高樓發簫簴酒帘杏花園漁

市蘋洲棚盛極理必衰楚纓忽陵斥連雲六千家一炬半天赤積屍成坡  
陀凍血凝洛澤瑟瑟髑髏語多在風雨夕今春疆理復盡出將軍力廟堂  
遺良令刻茅辨街陌生茨四五椽足憇玉僑烏日出綰銅章瞳目銷岑閒  
隸卒瘦如竹見人猶辟易似聞庭除間夜有黑虎跡又煩劉贊府共樹懷  
柔績定知灰落應豈假龜鼎食贊府實奇才不用髯如戟玉立偉丈夫見  
者改顏色文字五千卷腸胃覺充塞摘辭奪春花豔豔美堪摘吟酣或揮  
翰龍蛇出肘腋陰靈助變化凌厲意恹黑人誇勝璵璠自謂聊戲劇兼攻  
刑法家儒術共綠節應能不負丞奇略肥民瘠墻陰或藝桑中丁皆襁褓  
勿羨翻經臺學著登山屐可憐康樂公却類彌天釋勿升元辰山去踏馬  
蹄石丹竈白草秋青鳥書難覓勿棲五柳館驚見元亮宅仕隱各有心忘  
世非良則當如陳大夫樹陂壽民脉令名垂無窮晴波共洋溢我辭固強  
聒君子宜慎擇時當九月交涼氣壓離席黃花如窺人啼蛩似留客新蟬  
所金腹甘釀拍瓊液飲餘志慨慷狂語忘舛憤執手立沙頭欲別貌還戚  
顧予誠繆悠頗有書傳癖造文應時需不異陪僮役扼吭搯左袂立志在  
必得每藉翰墨潤粲粲有精魄西風片帆張遽作千里隔倉皇車折輪顛

沛翁鍛翮不知孤月夜何人破愁寂儻有尺素書早寄凌風翼

秦宮謠

箏鴈斜行綴春柱內家學得涼州舞九枝燈死月色何猶記君王夢中語  
五坊小兒騎駿馬翠蛾綵女聞花鵲御路泥深龍輦過小隊黃衣四十人

畫樓歌

畫樓殷殷貯白嬌紫駟行春楊柳橋手中鸚鵡酒量潮連環帶解口痕消  
黑甲西來若風雨踏成一片無情土白日未落絕行塵瓜洲渡頭鬼喚人

春夜辭

女龍滯雲香雨膩輕黃惹柳京脆脆蠻絲不繫軟風痕白玉鸞釵分兩翅  
桃花月下采鸞門魚鑰不眠長鎖春芳魂行遍秦川道百子堂空無一人  
更深不耐山鳥哭樵管調絲作新曲天海風濤夜不收龍頭吐漿割春綠  
上元不寄錦字書守宮誰復問巴西紺階但種相思子產出青青連理枝

紫髯公行

紫髯公子五花駝蛇矛犀甲八扎弓黃昏衝入北營去袞袞流星天上紅  
十萬雄兵若秋隼千鎗行酒須臾盡太白在天今歲高千旄指處皆盡粉



涼州白騎少年兒紫繡脰轡來似鵝鴨翎羽箭始一發射翻不翅牛尾狸  
紫髯紫髯勇無比愧殺生鬚諸婦女當年冠劍圖麒麟何曾三目異今人

越歌

約楊摧官同賦八首

勸郎莫食鑑湖魚勸郎莫棄別時衣湖中鯉魚好奇信別時衣有萬條絲  
戀郎思郎非一朝好似并州花剪刀一股在南一股北幾時裁得合歡袍  
越王臺下是儂家一尺龍梭學織紗願郎莫裁梨子樹遮却房前夜合花  
溪頭送郎上蘭舟獨宿春風燕子樓溪水有時乾到底不如儂淚四時流  
阿儂羞殺黃帽郎注舟蘭楫藻中藏蘆竹生花秋滿地擢歌纔動便尋柳  
粉痕隨淚溼春羅郎似芭蕉儂似荷荷葉團圓映蓮蕊不比芭蕉紋路多  
爲郎有意辦羅裳綉成花鳥好文章黃昏含愁不敢剪只恐分開雙鳳凰  
春望山頭松百株若耶溪裏好黃魚黃魚上得青松樹阿儂始是棄郎時

雜體二首

溫溫荆山玉刻作瑞世麟繫以補袞絲相期佩君身君身享遐福四海歸  
至仁峨峨九天上虎豹爲守閭惜哉不得獻龍之以文茵  
英英匣中劍三尺秋水明上有七星文時作龍夜鳴鑄此雙雌雄云是歐

治生鵜膏久不施繡澁玄痴成願借赤鳳鵠銜上白玉京爲國斬佞臣坐見泰階平

擬古二首

明星夜生角遠倚紫垣中四國仰照耀寶劍出秋空一朝化爲石下與沙礫同牛羊或踐履戮辱到兒童位高知身危退藏保其終秋蟬啼枯枝朝夕飲風露豈無百蟲食政以廉潔故黃昏鳴聲悲似欲有所訴不受丹鳥知反逢螳螂怒隕身亦何辭吾能改其度

蘭花篇

延祐戊午年賦時于始九歲歲時舊詩而此特以幼作存今復錄之

陽和煦九畹晴芬溢青蘭潛姿發玄磬幽薦凝紫樞綠蘿托芳鄰白谷挹高寒玄壑未成調湘纍久長嘆蔡旌雖外敷貞潔終能完豈知生平心卒獲君子觀雜以青瑤芝承以白玉璫靈風曉方薦清露夜初溽此時不見知駢羅混荒菅春風桃李華爛若霞綺惜徒媚夸毗子千金買歌歡棄之不彼卽要使中心安願結儼人佩把玩日忘餐

游涇川水西寺簡衆八宣慰劉七都事章十二元帥

水陸行兼旬招搖月如醉筋弛遂莫支神疲但思睡若非游名山曷以豁

幽閑涇川名漢縣寶勝標唐寺一往情已堅百闕思轉熾大川阻鴻溟怒  
濤爲滂瀋髮髯號夫諸昏濛舞魑彫小舟劣客坐大險曾不避中流震撼  
數性命豪髮計歛股不容插屏息恒獨惴良久幸登陸寸步懷千畏盤回  
行隴畦迷眩失溝遂齟齬石冠排戟刺身人書王林一白點羣翠  
道過桓靈祠古壁撐幽邃青紅閃敗壁神鬼錯飛旄點精輝白虹直欲  
天地周禮在所旌尸祝宜弗廢勅書從天來猶勒崇寧字象賢恨非古姦  
醜褻神器南風歎林薄吹落英雄淚俛仰感微衷蛇行復西遊委移履上  
方滿目但稱翳云何黃蘗靈不敵鬱攸崇臥鍾蝕陰苔孤塔掛晴窗大雄  
兜率還真應天台萃木魚午停聲林廳晴出戲殘僧五六輩祇袖裴山隸  
奔趨失繩禦面目劇芒刺別有白髮師野鶴鷄羣異身披伽黎衣云繼泐  
潭裔揖客入邃庭從容語非易呼童滌尊罍爲我出芳餌溪毛摻白薑芝  
髓烹紅葢羣羞未終薦三爵了不識湯餅銀絲嫩園薺雪濤試復出新篇  
什自謂宗漢魏焜燿鴛鴦裴錯落麒麟縹似將三昧力幻出千葩麗有時  
氣雄拔欲奪三軍帥西取月氏頭北斷堅昆臂誰知憂世心盡雪滄江涕  
緇衣尚如斯蟬冠當不愧少焉出楸局矜負驍與鶩雌雄將勢分黑白如

鼎沸分甘東野拜難續西林志長嘯出山來荒雲密如蟲  
歸宿山縣中窮愁復相滯繼絕諸佛慍瀨激良朋忌褰衣  
步明月憂極不思寐憶昔山林居豈識道途累達色夫容  
開洞水冰簾膩淵龍學人吟夜猿呼鶴唳采嵐朮可餐釣  
者鮮堪啐負此濟勝姿奈何心不悖所幸二三友酸醎同  
所嗜鈎理挾神局探玄發天秘雖於嘻笑間亦足洗蒙尉  
此生已任運泉石隨所值敬亭在望青行行勿迂轡

次劉經歷韻

先生勁氣類松栢壓倒柔脆千蕪葭發爲人文疾於電  
硯墨袞袞翻群鴉便合催歸玉堂署天子左右宜黃麻如  
何填絕東游上使采夕朮餐晨霞一朝闕寇掠鄉部蜂  
營蟻隊來無涯先生仗劍募驍壯帶甲十萬人無譁旗  
幟精明刀戟鉏欲殲封豕連長蛇灼山烙澤絕槽窟奔  
迸不翅逃置饜火光照耀天地赤支骸撐柱隨燁蝦鴻助  
番成事或變志士扼腕徒咨嗟邇來漂寄在道路東西  
不定如棲苴營乖衛逆結瘡痂攻齧脛踝將侵勝注漿  
流瀦洩憤懣未許糝稻來籠遊獵濕雖治麴蒟劑踞洗  
恨欠雲鬟娃况逢炎溽釀急雨人風挾勢飛黃沙山漫  
疑欲接霄漢河漲定可浮星查

空堂悲坐發孤吟。刺欲聞離騷家。豈惟艸堂詩止瘧妙句亦可蘇痠麻。  
懸燈疾讀但吐舌。不覺臂酸相掀呀。文場自合推第一。俯視諸子百倍賒。  
黃鐘大呂正醇醑。奈間濮上誰淫哇。群僊謫下暫狡獪。莫忘舊種瑤池花。  
鉢肝劇腎竟無益。不如養性祛陰邪。他時紫府或有召。會駕五色麒麟車。

思春辭

丙申春作

美人別我城南去。幾見樓頭涼月生。南浦沉書尋素鯉。東風將恨與新鶯。  
丁香枝上同心結。九曲燈前白髮明。花託芳魂隨鵲夢。草移愁色上簾旌。  
物華半老燕脂苑。春影輕籠翡翠城。歌扇但疑遮月面。舞衫猶記倚雲筵。  
因彈別鶴心如剪。爲妬文鴛繡幰成。官燭不啼偏有淚。湘桃無語自多情。  
岩南樹密晨鳥集。江北潮回暮渚平。幸有夢中能聚首。喚醒恨殺短簫聲。

行路難

丙戌秋作

筍輿向江行。十步四三曲。日落天漸昏。樓止憐不夙。有如喪家狗。望望共  
奔逐。遙見洲渚邊。凋楊失新綠。一室小如舟。偶值酒新熟。主翁面如鬼。行  
步苦不延。坐白水牀發問極羞縮。百錢買一斗。聊誑先生腹。執觴未及  
飲。所覩甚怪促。昂昂船上丁。頭纏布一幅。兩脰赤如染。俟食類醜鵠。忽然

來共席迫我汗如沐棄山出倚閭遠吸江上淥青山向我笑不語意良足  
居常務標致今此母乃佚少時克悍徒幾欲塞破屋喧囂呈百伎醜惡難  
具錄生平見未曾五藏爲反覆瞠目久不語情思殊隘晚入一窩臥豪  
積紛不束瓦穿星似篴壁壞風如鏃水車貼四畔轉足碍輪軸解裝暫一  
息何異樹下宿蕭晨出門去軒豁騁遐矚遠嶺收片雲前汀落雙鶩卽景  
政自佳撫懷欲成哭天地雖無私人事有倚伏臺觀變坑穽衽席爲叢箠  
休嗟行路難羊腸乃平陸

豐陽詞三首 效唐人體

南國家人玉作腰開裝香帶斬新雕醉騎寶馬踏青去入城東第四橋  
九子金鈴出九龍流蘇雜絲蹙芙蓉東風不管花無力吹滿昭陽第一宮  
幾番花信逐時添諸柘新篳酒正甜莫道曉風猶料峭內家新賜却寒簾

寄別

別來虎豆又生牙尚在揚州賣酒家醉後清狂應不減起拈花彈打鳴鴉  
哭鄭僉事

忍見蒼苔裹繡衣西湖風急旅魂悲紫羅半臂今猶在免學歐陽寫恨辭

憶知

春風行樂且年年勿使游塵上五絃燕子堂前多舊土莫裁黃蘗只栽蓮

天麥森行

任生累葉居章丘僮妾指千百馬牛文軒綵閣插雲上脆管繁弦邀客留  
閒時好把道書讀日啖湯餅無時休一朝陰厭忽仆地六脉隱約如蝦游  
移時開簾拂衣起喜氣入面輕黃浮自言惚恍有奇遇不翅乘舩觀十洲  
初逢一身臥空曠手足僵動無寸柔大神持刀剖心腹洞見十二仙家樓  
紅光眩眼視閃爍後先極戶皆朱綵絳衣女子導以入手執幢節懸銀流  
入宮升殿謁女主美艷可使春花愁驚鶯曳裾珮軟玉芙蓉仍插金搔頭  
五明扇遮九龍座珍珠簾掛珊瑚鈎分班就坐未及語有勅太官催進羞  
須臾水陸盡交錯玉盤擎脯堆紅虬女樂翩翩次第舉協箏彈瑟鳴篳篥  
燕罷瑤階月初轉餘情不斷魚含鈎紫州小姑遽餞別陽春一曲翻新謳  
隱雷作聲忽驚覺却厭人世真蜉蝣若非名登九天籍安得俗駕攀真儔  
室中宴坐絕董血肩鏑不許他人抽或爲妍唱感異類水禽山雀爭喧啾  
如斯歲發至六七猶怨闊遠難冥搜家人共怪狐鬼惑握粟出卜城南頭

巫醫迭進獻方技何異白石江水投相里先生來自陝纖目入鬚清於秋  
腰懸藥壺大如斗吐言便覺冰生喉且云餅中天麥毒陰氣不決爲人尤  
必須陽精可制勝驅逐惡厲誅陰酋嵩嶽丹砂我獨得迎陽揭就光油油  
便烹蘆菹和爲液祛疾有同鷹脫鞴三齋七戒始敢服服後所見非前伴  
侍臣朱裳多故惡執樂不作含深憂再服戶檻皆變白素衣對泣聲啾啾  
三服宮闕歛且側左右紛亂如驚鷗女主戎裝急奔竄上車歷錄行荒陬  
迅雷一擊前殿火虐燄四射森戈矛日茲神歡漸復舊方與人事通綢繆  
嗚呼我人最靈貴一爲病蠱忘身謀孰知無病亦傾倒沉醺醉利甘拘囚  
紛紛白晝混人鬼若死竟不分黃蘗常持六經鍊爲藥盡療天下蒼生瘼

義俠歌 效白樂天體

德興董國度其字爲元卿宜和舉進士籍籍多文聲初調膠水簿其地近  
東溟筮日別母妻匹馬赴驛程居官未一載金人忽淪盟中原相繼陷無  
由遂歸耕神天乏羽翼俯首走伶俚傳流寓逆旅氏更變姓與名逆旅卹喻  
孤買姬奉使令姬性多黠慧姿色更娉婷惻然憐卿貧孳孳學經營鐫石  
作巨礫市驢使旋繫粉容白如玉貿易入南城從此日優裕寒谷化春垌



新居巧締構高樓聳朱甍陌阡接東西秋風熟香秔開尊醉花月絃管維  
匏笙卿終不自懌歎息或涕零長跪敬問之豈妾無異能家事不半落胡  
爲日怍怍卿曰爾不知我實爲南垠家有鶴髮親無從問延生念此心欲  
折夢魂亦熒熒姬言我伯氏義俠天下稱卿胡不早言俾卿得歸寧未幾  
有奇客軒然過門庭虬髯頽玉面九尺長身形高騎紫驄馬好似漢灌嬰  
下馬入門坐氣象猶生擲卿使卿拜此乃妾之兄呼童剝羊豕開燕羅  
兒觥酣飲直至夜月影移前楹姬起屬前事鄭重語加精是時金人令南  
官不自鳴便差縣官縛藁街受極刑卿因諱其說蹶蹶弗能勝客乃奮髯  
怒責卿何不誠我以女弟故冒禁挾子征卿胡反改疑覲我爲兇僮急取  
告身來賸幾足依憑不然擒赴官命與鬼錄爭卿懼不敢喘自言一一聽  
客去甫一日控馬來相迎命姬欲共往姬謂幸少停卿先隨兄去不必懷  
戰兢妾有自製袍贈卿意盈盈兄或持金贈示之辭弗承倉黃別就道有  
涕如懸纓疾馳至大海海舟在水橫客令卿前登迅速建瓴舟人敬且  
畏一如事神明未渴奉馬湏未饑具羊羹財力達南岸客已在旗亭勺酒  
對卿飲論言極崇猷歷陳太夫人年已近耄齡赤手得返國何以娛其情

黃金二伯兩卿當真諸籬卿謝不敢受客竟委之行卿追至門外舉袍若懸旌客駭且大笑吾妹實豪英吾事未能了有懷當再傾卿歸拜慈母慈母惕然驚意謂從天降穩駕仙人斬南北望已絕音耗無由偵今晨得再見死草再發榮喜極繼以泣露雲爲冥冥妻兒亦亡恙一一列前庭更闌共軟語秋花上青燈取袍常片着袍縫爛然賴箔金滿中貯碎若剪鳳翎踰年客果至携姬重合并鄉人競聚觀皆曰見未曾朝廷錄卿官添差尉宜與卿妻曰余氏悍妬仍驕矜遇姬多亡狀禁攝如凍蠅甚或加箠掠人諫了不懲卿力弗能制白晝若沉瞑姬因不告去飄若風火升吾聞古義俠史冊每足徵受恩能盡死義重身則輕未必識書傳文華耀晶瑩卿爲名進士豈不讀聖經奈何負恩義犬豕羞爲朋追述義俠歌讀者當服膺

秋夜與子充論文退而賦詩一首因簡子充并寄胡教授仲申

太虛之氣隨物形天聲地聲由此生小或歛盪吼河海大將觸搏流風霆天輪膠戾神鬼戰地軸挺拔蛟龍爭圈曰注汙各異奏影沙磬石咸齊鳴靈功闔闢司至理于喁徐疾緣天成熟言塊扎妙不測兩間可配人爲靈戴首載趺上下位布藏列府山河縈肺爲金官號鍾磬發聲肇氣從孩嬰

自茲人音極萬變出無入有誠難名啞啞叱咤洩忿懣歡呼號噉幽情  
吻牙喉舌審清濁徵羽宮商分重輕殊方雖假象胥譯至道不與人僞非  
尼丘降神繼群聖因聲爲教文諸經研窮陽陰序政事吟咏情性臻和平  
節文嚴謹名分正假象植義昭天明玄景無言聖人代建中立極綏群萌  
莫安海嶽使效職洗摩日月開重寘籟鳴機動孚應速風聲所被來頻仍  
宋齊魯衛旣霧滃蔡陳秦楚尤雲蒸糯齊真腹造閩粵舐排卑論端崇絃  
太和融盎盡沾丐物無疵癘玄休凝杏壇迹蕪鐸聲遠人鑒私智先登  
鈎鉗捍闔勢傾軋堅白同異時轉輟黃老玄虛涉溟津刑名慘殺紛崢嶸  
九家狂流不可遏絕港強欲齊東瀛固云偏鑰或害教尚騁所學爲驍騰  
狂秦以降逮劉氏不翅枯響隨風行黃茅白葦墮一色編貝聯珠誇九能  
班揚枚馬亦蒙雋竟溺下俗高難升六代駢枝與儷葉氣漸辭類猶驕矜  
更唐歷宋非不盛律之六藝終難勝要知聲華有衰歇以致學步多玲峴  
人文本爲載道具次則紀事垂千齡雖其功用霄壤隔不應澗水非淵冰  
璽書播告出丹鳳兵檄馳布飛紅星金匱石室董狐筆戎功駿烈燕然銘  
入室登歌侑廟樂徇師能誓宣牲盟章疏補天非鍊石談辨保國踰長城

霑潤自足配雲雨和協更可同簫笙當其操觚欲鼓勇收視返聽探玄精  
游魚中鈎曳深止鉅獸投奔離叢坳斯須朝崖變夕谷惚恍西海爲東陵  
精神所至萬物懾縈簫亭毒縱復橫真醇魯邦見郢曲冲雅高辛陳五談  
譚圓牘應振逸響縹麗鵲梳文翎嚴森五刑布秋肅華潤百卉含春榮  
勁如韓彭將貔虎仰揭斗柄麾機槍豔如長楊較羽獵蒙盾負羽驅鸞旌  
高排霄漢跨箕尾呼喻沆瀣游太清未幾直墜九淵底察之無跡聞無聲  
幽入陰宮作鬼語秘怪詆詭難爲聽割然大明赤於火景曜所鑠流爲瓊  
似茲妙幹造化軸可以小技相譏評金石雖堅有銷泐文光亘古常晶瑩  
但憂拙工不知變欲就郊衢施鼎錙揖讓周還固存節其如絲絕非法程  
予從卅角業文史意遲驕悍摧強勅上師姬孔爲察父下視遷固猶諸兄  
嬰弓射侯在正鵠路馬在御懸游纓溫溫膩紋蟠結綠燁燁寒電生青萍  
有時摘辭述帝霸捷如屋上人建瓴注空直瀉絕留礙不似潢潦爲泓渟  
應知敦本乃末豔且咤彪外由中朔年來懲艾劇芒刺流汗浹背顏交頰  
如何竄身伏槁壤乃能抗志凌霄崢閼宮清廟頌巨木榮葩楚豔徒微馨  
譬之出聲有鉅細大塊噫氣真鏗鉤蛙鳴蟬噪雜鼓吹八下上七戈噉嚙

天人之間或有愧何異冠服蒙狸徃遙江上月素珠吐嘉樹弄景癡龍擎  
維時萬籟一時寂耿耿銀河涵玉繩華川先生起我懶褰衣踏月行空庭  
揚今推古益慷慨抽關啓鑰成搜寧先生文章正用世殷盤周誥方爭衡  
知深固嫌管鮑淺交固未數金石貞念斯輾轉不成寐吟聲在吻號蒼蠅  
酸寒固或類貞曜跡弛未必卑韓翃故人守官在姑蔑學林老虎文淵鯨  
三年不見志紆麟夢魂時逐晨風征何時共宿若今夕重把肝胆殷勤傾  
憶與劉伯溫章三益葉景淵三君子同上江表五六年間人事離

合不齊而景淵已作土中人矣慨然有賦

我歌何太苦觸事增百憂憶離漢上舍久客城東樓鈎經語衮衮舞劍光  
油油五窮作奇祟六鑿爲深仇昏眸眩翳鏡秋骨束算籌取憎鬼亦唾出  
謁人誰謀有美濟時彥來自處士州金莖擎白液玉瓚含黃流長山同蹕  
樓嚴瀨仍維舟雨花掠蓬迳風蒲向人愁冒險前至歛計程幾經郵盤渦  
結唇穴歛石排蛇矛暗陵迳魑彫灌木啼鵲鵲川盡青逗曉城新白凝秋  
賢躅訪闕里仙蹤索浮丘鳥聊就神卜綺席徵童謳潁濱所謫宦績溪倚  
荒陬叢祠尚蟲蠹苦碣猶蛟蚪摩挲未及讀行邁焉能留隨山轉犂确滿

目只梧楸淳原當日盛傑觀連雲稠兵餘有遺構星分如碎裝徘徊望涇  
邑迤邐驅晨輶狹徑橫黑帳荒茅飛白毳聚落耿寒燐遙田巢禿鷲百里  
一廬舍平沙千觴饕穴厓楷爨鼎掬溪嘯乾饌天才或弔白詩衲還逢休  
感慨每東望盤回且西游層樓眺疊嶂匯水尋宛句紅線鴉方軟木瓜醞  
新勢風流憶江謝文藻勝枚鄒落日慘平楚悲風吟古湫三湖渺空闊一  
權成窮搜蒼茫日月浴震盪乾坤浮水落近成浦沙屯遠爲洲網師出文  
蠟墨客嘲輕鷗塗經華林岸地接秦淮溝窮塔屹天秀列塵布城周河山  
互聯絡龍虎相雄道鬱葱金焰發歛灩虹光抽煙霞壓臺殿劍舄集公侯  
汴宮共一榻江樹聞鳴鳩鍾阜足游衍龍灣更夷猶談鋒述王霸政柄分  
羸劉淬文礪戈戟博古陳壘卣合庖集魚鴈響履鏘琅球桂窗足每跣花  
日首多囚賭碁或握筭鬪酒恒投鈎下關避沉酣抵掌爭嘲咻一旦分客  
袂三年感燈籀剖符洪都郡瞻雲蒼嶺頭晨星遂落落宵夢長悠悠懷生  
憫契濶悼死隔明幽惡懷不可抑衰涕何能收牛馬傷折足羽旌恨無旂  
此生幾冠屨兩間寄蜉蝣宣尼嗟逝水漆園嘆懸疣天德在所務人役將  
焉鼎矧當肅秋氣正值酣商飈紫螯飽丹液黃鞠苞金甌得酒且自喜錮

情欲誰譬床頭有周易婦人推剛柔

贈劉俊民先輩

劉君卓犖士出自詩書胄眉目儼如畫幽花眩晴晝踉蹌忽來謁進退頗  
溫茂自言宅偃師家昔千金富大父名法從纍纍印懸綬文辭補元化求  
者輒奔走繼此簪纓餘矜莊事雕鏤無食不鳧翠有衣總文繡蘭舟盟津  
水蠟屐穀城岫或騎紫騮馬深林出從獸黃鬚年少兒執矢刻先後一發  
巧中肋驪聲溢郊園狼兔懸寶鞍歸來薦清耐燕姬白如雪時唱清角侑  
人意天上郎雌伏不敢雌一旦黃金盡其事乃大謬漁樵來爭席僂僂或  
昂脰憤來氣屢絕十起九顛仆折節去讀書攻苦分句投初如蛇入筭漸  
類鶚脫殼把筆學爲文衆色紛采就又恐談儒冠雜藝亦兼究雅琴辨商  
宮古文參篆籀六物推休祥八卦占爻繇更參九箴法俞穴別膚腠聞基  
與握槩賭勝欲起鬪不覺疾聲呼有若熊虎吼最便結風舞唯恐技難售  
偶逢玳筵張肴核列飢餒酒酣兩耳熱徐起整衿袖文鸞側彈翎皓鶴仰  
塞囑躡節眄盤鼓迴旋逐音奏雖得諸工憐不博兩眉皺使者天上來會  
合誠辭君負書蚤從之何翅杵投曰三河及幽并無地不馳驟登高或弔

古感時更懷舊恨無息肩所若沈疴待灸前年往龍漠氣序異常候八月  
雪卽飛一疫三尺厚今年度更嶺熱氣甚蒸餽老梅雖未花鐵幹倚雲瘦  
欲俟喘息定陰厓聊宿留王虺長過竹矯首出岷竇目光大明鏡鑠我汗  
如漚關目但待噬有術不暇祝性命鴻毛輕幾被山鬼踪年來自懲創此  
險安可復俯思十載間行事賤如畜徒然召悲辛寸祿焉能收卽將巢雲  
松終老友猿欲予開心鼻酸宛若身在疚于時十月交日月會龍旆霜風  
吹人急層衣悉穿漏百齡駒過隙胡不重棲宿須知學踐形庶不慚載覆  
勺水當離尊贈詩比糧糗歸歟勿久留吾言不能又

示呂生有序

六經之後幾無文矣近世學者專攻浮縹之章動以鼓吹六經爲辭子實  
病焉因爲呂生賦此以藥矜文而喪德者

呂生家潯陽昂藏若饒鵠持刺望門拜不復資介紹手持縹囊書蠅頭寫  
芒秒病眼花暈生力覽始能了詞鋒剛且銳無異錡斯趙汗菜盡瘁劉縻  
芭植如旄風枝動姍姍秋實垂嫋嫋豈比稗與莢難復稱春搗似爾才患  
多堪爲世珍寶文華固交絢荒志咎非少憶當弱齡時頗亦耽葩藻精神



應冥會或夢吞羅鳥射侯抗熊羆萬舞持皇翽五采漆夏翟三就薦周繼  
自謂頗俊爽分得天孫巧俯視佔畢徒孤篲出叢祿有時被餘酒便指腹  
爲藥赫蹏薄如葉鴉蚓恣揮掃春苑集穠豔秋陵失乾蕊下則陳姬周上  
復述軒皞古今萬沿革毫髮無不考終然立門庭焉敢望宿奕古聖制爲  
經白日行黃道流光逮幽隱爛然天下曉誰騁螢燭微欲以闢玄造若非  
靈臺昏致此明日眇曷以七尺軀不解分白皂末俗狂瀾奔湖江決隄堡  
郊原化巨浸何地有桑棗魚鼈舞神姦廬舍作洲島非加回障功未易就  
平燥祗緣正學微本末遂傾倒邇來深知非筆硯稍焚燎遺經寘枕傍寤  
寐事蒐討尚慚弓力微不足穿魯縞荏苒餘十齡晦朔幾胸臆未見宗廟  
美憂心怒如擣爾才十倍丕雅志復精敏當思不遠復改轍謝纏繞蒸沙  
豈樂饑累糧足充飽先廬長山東結蘭以爲椽非獨繁牙籤亦自饒魚稻  
念爾何當來相與探深窈躬行驗所知勿憚心形勦翻翻逐時移母類風  
中蠹皮革可登器所貴在柔艸大羽金瓜鏑亦矜端其笥千里孰云遐舉  
足始一躋煌煌作聖功須知此其兆勉旃復勉旃勿謂吾言矯

畫山水圖歌

遠山刷翠宮眉彎一江橫遠羅帶環沙磯互作犬牙入水痕初落猶斑斑  
漁舟三兩自何處後先撐出蘆花灣解網得魚長尺半沽酒踏破荒烟酸  
西南冥茫見樓閣朱碧隱現青雲端不知神仙何洞府但見白道屈折蛟  
蛇蟠月明如霜夜將午定有笙鶴來瑤壇松間醉坐誰氏子羊裘櫻脣道  
遙冠豈非東蒙山中舊隱士面目猶帶河朔風塵顏黃庭頽讀尚衛神卽  
視松葉秋翻翻我生素有山水癖向之不覺開心顏恍如西上黔川濕卧  
聽灘水流潺湲又如東對仙華山青天飛下千巔巘巖雪藏陰崑太素竇  
泉濺沫排空寒便將此地窮天慳青鞋布轆恒躋攀蓮花五色猶未吐晝  
明夜照如神丹人言絕頂有風穴高入蒼莽天曼曼天曼曼兮氣盤盤融  
作玉壘從空溥服之龜鶴共長久一任人寰日月雙跳九白台爲我梳仙  
髮雙成爲我開瓊關吁嗟乎吾將終老山之閒吁嗟乎吾將終老山之閒

題花門將軍游宴圖

花門將軍七尺長廣顙穹鼻拳髮蒼身騎叱撥紫電光射獵婆陵古塞傍  
一箭正中雙白狼勇氣百倍世莫當胡天七月夜雨霜寒沙莽莽障日黃  
先零老奴古黠羌控弦鳴鏑時跳踉將軍怒甚烈火揚寶刀雙環新出房

磨却何翅驅牛羊平居不怯北風涼白氍毹爲幄界翠行銅龍壓春雙角張  
綠繩亘空若虹翔將軍中坐據胡床熾炭炙肉泣流漿華囊桐酒蒲陶香  
駝蹄斜割勸客嘗趙女如花二八強皮帽新裁繫錦褰低抱琵琶彈鳳皇  
半酣出視駝馬場五花作隊滿澗岡但道驩樂殊未央

送陳彥正教授之官富州

我懷溪裏君燦爛雙碧目騎麟執春秋從頭細識鞠傳逮及爰善法情無  
委曲肯隨三傳後是非互傾覆更懲漢專門一經雙鬢禿牙籤三萬卷過  
眼不再讀精華盡成嘆墨鋒無不燭一物苟不知便類車脫轂本根既碩  
茂柯條遂芬郁大肆文章手直壓百怪伏絳衿麒麟車登載珠萬斛五色  
鳳皇翎光耀映蘭牘收貯篋衍中寶氣尚可掬至今空山暇似聞鬼夜哭  
當時入室者陳子最神速君時見子來謂是新生犢健捷類獅象有手難  
加牯見君復呼子誨言甚諄複六經汝甲冑四子汝劒鏃濂洛汝金鼓武  
夷汝橐籥汝將汝心官汝戰汝邪欲子卽受命還建起豹尾肅城池堅如  
鐵寇來不得觸如此四三年溫若干閭王唯於進學銳勇赴在一蹴澹然  
水雲心不受世羈束忝向神洩山依巖縛茅屋挂頰數冥鴻擷芳食羣鹿

終然薛蘿衣莫蔽錦繡服石門碧作山怒瀉千丈瀑鬼眼與瀕耳雄特類  
歡瀆子嘗往其中坐候碧桃熟柯峰與嚴瀨天下號奇矚星河羊裘軒黑  
白紋楸局或追隱者操或授真人錄嗒然竟忘歸不記南浦舳龍興大江  
西豐城乃支屬麟茵君千林中藏萬鴻鵠子今挾書行有志當灌沃英英  
我杞梓茫茫我誠樸菁菁我臺萊一一思樂育須使魯駟風淙徧荆楚俗  
振衣別我公我有再三祝子如宛馬駒未得飽芻粟方歎當見憐使縱千  
里足子如緱山鶴六翮翬羞縮仙人一下來雲笙恣馳逐子材有如此不  
久當食肉豈如嚙曉徒長困左右塾祝罷更浩歌歌意殊局促祇爲良朋  
行使我秋影獨寥寥風雨夜燈花尚堪卜

送錢允一還天台詩并序

皇帝卽位之二年大將軍帥師取燕都西北州郡次第皆平越明年冬  
上將郊祀天地大告武成念開國諸臣勞烈錫以鐵券以申帶礪之誓下  
禮官議其制度近臣奏言唐和陵時嘗賜錢武肅王十五世孫尚德實寶  
藏之上遣使者卽其家訪焉尚德奉詔積券及五王遣像上之上御  
外朝觀之勅省臣宴于儀曹已而尚德思東歸命還其券與像以禮敦遣錢

氏寶有此券已五百載宋淳化中杭守臣嘗連玉冊進之元豐五年又進  
之宋季兵亂券沉官渭水中五十六年元至順二年漁人獲之售於尚德  
之父世珪迄今而尚經又進之是嘗三登天子之庭其間或顯或晦雖若  
類靈物訶護亦其子孫之多賢能保守而弗墜也尚德字允一天台人  
大明天子開鴻基雄兵百萬皆虎絕東征西討十餘載變化不異雲雷隨  
功成治定四海一剖券分符恩澤施前王遺制久已泯錢氏世寶猶無虧  
天使持書往徵取有翁紫負來丹墀鞠躬俯伏再拜起旋解籍籍重重  
披精鍊煅成大逾瓦中突傍偃形如箕又如玄甌剖其半一片玄玉誰瑕  
疵鑿窾填金文絢爛筆畫方整蟠蛟螭誓辭左百有餘字河山帶礪無嫌  
疑繼陳五王有真像彷彿猶是唐冠衣腰圍白玉金作鐫吻角左右分三  
髭重瞳回光屢下照笑語逾覺天顏怡便勅大官給珍饌上尊法酒  
澆瓊卮憶初唐綱旣解組恣舞鰭鯨號狐狸斗牛王氣果凌厲豫章占術  
元非欺八都健卒猛如虎指揮不異驅嬰兒羅平島圖騁怪幻內黃外白  
跳狂癡龍劍一揮赴水死大勛星日同照垂因茲錫券代牲軼彭城開府  
如三司衣錦城空嘉樹老共守尚有三樓危淳化元豐兩進入龍光曾受

天王知炎精訖錄九鼎沸一旦失去官河糜豈伊神物欲變化和逐雷劍  
爲龍飛孰知漁者一舉網所獲非鼈還非龜終然鬼物所訶護不使光彩  
埋荒陂泥塗沙礫幸免累寶玉大弓欣有歸我知天意實有在武庫弘烈  
何堪微八州生靈數百萬拔出水火行中遠子孫食報豈終極政如稼穡  
隨年肥高牙大燕入黃閣金章繅綬趨彤闈不知堆床定幾笏但見封印  
懸累累七世珥貂未足擬一門三戟終前衰况翁文采爛五色嗜古不管  
頭如絲秦淮呼酒話離別遠盼官舸如星馳千時同雲霖四野勢欲釀雪  
增寒威行行若過表忠觀好剔蒼鮮看殘碑

灘哥石硯歌

有序

朱舍人芾見灘哥石硯禁中遂摹榻一本裝璜成軸懸之書齋命予作歌  
填其空處

朱君嗜古米黼同三代彝器藏心曾灘哥古硯近獲見驚喜奚翅逢黃琮  
研煤歟昏巧摹榻訪我一一陳始終有唐四葉崇象教梵僧航海來番禺  
手持貝葉寫健相翻譯華竺談玄空辭義幽深衆莫識當時授筆唯房融  
硯中淋漓墨花濕助演真乘誠有功愛其厚重爲題識七月七日元神龍

鬼工雷斧琢削古天光電影生新容表將四尺廣踰半作鎮弗遷猶華嵩  
涉唐入宋歲五百但見寶氣浮晴虹南渡群公競賞識氏名環列縈秋蟲  
朔元雖以實內府棄真但使烟埃封方今聖人重文獻擅蒙舟載來江  
東風磨雨濯露精彩奉勅昇入文華宮宮中日晏萬幾暇侍臣左右咸雲  
從紫端玄歛盡斥太欣然爲此回重瞳重瞳一顧光照日天章奎畫分纖  
穠有才沉藎恨已久石如能語誇奇逢維昔成周全盛日允戈徹衣并大  
弓藏諸天府遺孫子用以續國照無窮願將斯視傳萬世什襲不下古鼎  
鍾上明文德化八極下書寬詔蘇疲歷君方執筆掌綸誥願以此言聞帝  
聰老臣作歌在何日洪武戊午當嚴冬

送方生還寧海并序

洪武丙辰予官禁林寧海方生以文爲贊一覽輒奇之館賓左右與其談  
經歷三時乃去明年丁巳予蒙恩謝事還浦陽生復執經來侍凡理學  
淵源之統人文絕續之寄盛衰幾微之載名物度數之變無不肆言之離  
析於一絲而會歸於大通生精敏絕倫每麓發其端卽能逆推而底于極  
本末兼舉細大弗遺見於論著文義森蔚千變萬態不主故常而辭意濯

狀常新細占其進脩之功日有異而月不同僅越四春秋而已英發光著  
如斯使後四春秋則其所至又不知爲何如以近代言之歐陽少師蘇長  
公輩姑置未論自餘諸子與之角逐於文藝之場不識孰爲後而就爲先  
也予今爲此說人必疑予之過情後二十餘年當信其爲知言而稱許生  
者非過也庚申之秋生以不見大母久將歸省焉予深惜其去爲賦是詩  
昔在詞垣時英材常駿奔水碧與金膏價重駭見聞終狀無根蒂歛散空  
中雲方生海上來玉粟而春溫袖攜絺綌書面帶黼黻紋揖遜入禮域陳  
義陵秋旻同餐太倉米共勘典與墳潛將索幽邃穹欲攀嶙峋蹈雪忽言  
別涉險濤江津梅花似相憐沿途慰孤羣湛恩來九天憫吾髮如銀特勅  
還故山許與烟霞親生間抱經來處此寂寞濱莽蒼叩大始溟滓窮無垠  
宇宙所管攝載籍所敷陳鉅細鈎鉗之若大樂建均律呂按高下官商肅  
君臣聖和免慙懣疊奏崑繹純桑濮俟揮斥滯哇竟何存黃鍾壓瓦缶庭  
燧滅荒燐似茲稽古力可敵龕定勲濡毫寫雄願勢欲移峨岷漏洩混沌  
竅出入造化神變幻波起伏清溫玉璫珣盡抽神奇秘不墜臆腐塵所以  
日出之逾見光景新山鬼當灑泣湘靈且逡巡振古著作家後先胡續紛



豈知萬牛毛難媿一角麟古今二千載有如星在辰豈意荒礪中獲此席  
上珍千生髮未燥立言鄙河汾結交一世士暮齒越七旬妍蚩與梏良入  
目無留痕自非病狂易顛倒甲與種寧因一學徒諛辭浪云云大言心不作  
祇爲所見真生今有行期序飲松竹根笑摘黃金花起泛青瑤尊酒酣雙  
耳熱劇論如抽繆豈無贈別言有意須當遵真儒在用世寧能滯彌文  
繁必喪質適巾乃彬彬有虞號多士九官展經綸惟時亮天工外夷悉來  
賓不聞有著書鼓盪摩乾坤生乃周容刀生乃魯璵璠道貴器乃貴何須  
事空言孳孳務踐行勿負七尺身敬義以爲衣忠信以爲冠慈仁以爲佩  
廉知以爲鑿特立睨千古萬象昭無昏此意竟誰知爲爾言諄諄無徒謂  
強聒一一宜書紳

題李太白觀瀑布圖

長庚燁燁天之章精英下化爲酒狂匡廬五老森開張銀河萬丈掛石梁  
下馬傲睨立欲僵聳肩袖手神揚揚憶昔開元朝上皇宮中賜食七寶床  
淋漓醉墨蛟龍襲人疑錦綉爲肝腸麾斥力士如犬羊營營青蠅集于房  
金鑾不復承龍光并州可識郭汾陽不可丹陽逢永王大風吹沙日爲黃

狡狴哀啼聞夜郎蒼天欲使詩道昌頓挫萬物歸奚幾何處更覓延年方  
北海天師八尺長芙蓉作冠雲爲裳授以蒞笈青琳琅蓬萊屹起瀛海洋  
群仙遲汝相徊翔誰將粉墨圖縑緙顧我一見心俛俛詩成仰視天蒼茫  
夜半太白生寒芒

題宗忠簡公誥

王黼時爲少宰署名誥上

青城妖祲連雲赭犬羊在都龍在野百年藝祖舊河山萬騎長驅若冰解  
京城殫守一世豪仰天雪涕風蕭騷起扶白日照河北赤手欲障三秋濤  
義旂戛天天爲泣四方猛士聞風集自期徇國與天通豈謂忠言反難入  
披肝上疏留至尊乘輿不顧東南巡拊床三呼大星落非天棄宋良由人  
功業無成志可紀古來英傑多如此君侯心事漢武侯偉氣英聲冠千祀  
我來已恨生世遲不得親觀忠勇姿每過鄉邑髮猶豎綸誥況是當時爲  
却憶前朝司馬死童蔡群姦乘間起國雖未亂政先亡萬里蒙塵從此始  
吁嗟輔弼真奴臣賊君致寇肥其身姓名汙眼尚欲嘔君侯在位能無嘆  
侯乎侯乎慎勿嗔誰使彼奴操國均君不見汴京禮樂正全盛江南杜宇  
啼天津

和王內翰子充見懷韻

帝德如天覆萬邦定期歸棹到龍江奇才不換金城百寵命當簪白筆雙  
喜極欲持如意舞醉來應使軟輿扛此情縱切何由遂吟對西南月滿窗

王內翰詩附

芙蓉峰下是鄉邦未許歸帆泝浙江天下文章寧有幾斗南人物恐無雙  
心期久與三乘契筆力真能九鼎扛投老著書渾不倦頗聞中夜坐燈窗  
爲宜興強如心題復初齋

題長白山居圖

昔日攬槍照五兵今時喜見泰階平春風綠酒扶殘醉斜立官橋聽早鶯  
滿地雲林稱隱居燕泥汚我讀殘書五更風急鳥聲散時有隔花來賣魚  
集外詩 四首

予奉詔總裁元史故人操公琬實與纂修尋以病歸作詩亭舊

憶昔試藝時年丁二十九不諳精與吻運筆若揮帚欲盡王霸言自貢直  
窺西於時有操君許子乃其友同自鄱陽來懷玉期一售風雅別正變卦  
畫蔡奇偶見者稱雙壁光芒射牕牖及至淩墨題氏名列某某果符人所

占二榜皆冠首顧予坎塲姿甘在孫山後有司非冬烘懸鑑定妍醜終狀  
采芑蕝難可混稂莠盈盈羅剎江顏色絲勝酒忽狀潮汐生龍虎共吟吼  
買舟踏澎湃共折江頭柳別婦金華山幸有雲牛畝結茅澗之阿敢曰松  
桂誘尋鶴步歌磴避人下關牡外物絕他繁中苟森獨守鎖摩六藝學擔  
以托不朽奈何荆楚間妖氣夜衝斗蔓延浙河東無地不深蹂帕額手執  
刀騎馬向林藪殺戮何忍聞流毒到鷄狗幸然一命存微賤不敵非猶攜  
舊書囊遑遑戴星走許子忽相逢短襦不掩肘涕下如綆靡容枯類羸叟  
稍稍叙離合卽問君安否云君兵燹餘充腸乏藜糗念君五內熱談說不  
真口何時挿兩翅執經趨左右大明麗中天流光照九有僭亂皆削平清  
淨無纖垢垂衣坐法宮充耳施纘黜湛恩極霑霑天地同高厚群臣再拜  
跪齊上萬年壽帝曰元有史是非尚紛糅苟不亟刊修何以示悠久宜而  
岩穴臣學識當不苟袞斧嚴義例執筆來聽受使者行四方持檄盡蒐取  
非惟收譽髦最欲尊黃耆余時奉詔來君亦至鍾阜一見雙眼明不翅蒙  
發部大啓金匱藏一一共評剖發凡及幽微勝雅白與黜奈何君有疾客  
邪干氣丹僊卧木榻間臚逆夜加嘔醫言淫熱勝良劑急攻搶恨無延年

衛玄霜和鬼曰日念芝山青親之若甥舅韶狀賦式微使我心如炙傾歎  
車闕轅顛倒衫失紐若何慰勞勞吾誠嗟負負平生湖海情臨歧忍分手  
官樓沽酒別無錢更留緩醉後雙耳熱擊壺如擊缶汀艸漲綠沙川花破  
紅藕須記送君時四月日丁丑

送許時用還剡

尊酒都門外孤帆水驛飛青雲諸老盡白髮幾人歸風雨魚羹飯烟霞鶴  
氈衣因君動高興予亦夢柴扉

送編修張仲藻還家畢姻

少年歸娶奏金鑾喜得天顏一笑看紅錦裁雲朝莫雁紫簫吹月夜乘鸞  
靈椿堂上承中饋寶鏡臺前結合歡從此梅花消息好青綾不似玉堂寒  
此詩見張宣青陽集附錄今誤入解縉集

題倪元鎮畊雲荷

看院留黃鶴畊雲種紫芝天下書讀盡人間事不知

宋舍人遜

遜字仲珩太史公之仲子洪武九年召爲中書舍人十三年兄子慎坐胡

黨連坐伏法仲珩工書法真行草篆俱入能品方希直稱爲威鳳神霄祥  
雲捧日評者謂太史公之文舍人之書皆本朝第一而其詩尤駿發汗血  
一蹶未見其止惜哉

採桑曲

桑芽露春微似粟小姑把蠶試新浴素翎頻掃細於蟻嫩葉纖纖初上指  
朝採桑暮採桑採桑不得盈頃筐羞將辛苦向姑語妾命自知桑葉比家  
中蠶早未成眠大姑已賣新絲錢岸上何人紫花馬却欲拋金桑樹下

春夜辭

春閣凝溫翠雲繞五色流蘇垂嫋嫋美人自脫玉花鈿子帳香棲綠衣鳥  
銅鳬漏聲夜初墮紅暈搖晴燃蠟火欲寄相思無鯉魚月色梨花愁朶朶  
謾將軟帶結同心開簾微步鞦韆陰芳眠未穩鴛鴦枕早樹重重啼翠禽  
寄章允載兼柬項思復

憶昔到京畿與子寓官廨一見卽相驩不翅舊交快維時困道塗驅車久  
行邁忽逢施擔初欣若身脫械握手坐氍毹軟語慰疲憊情投比黏膠意  
愜甚搔疥項君數過余滯下喜方瘥三人互談噓何殊合糾繡驂鑣出游

行古蹟探奇怪路入青蓮宮駐足聽梵唄薄晚始旋邸傾倒形忘療周詳  
論書譜從容說詩派凡習尚浮華遺音日已壞作者固繁夥咸韶混夷誅  
瀾倒并波隨時能拯危敗顧余樗散材頻年處卑隘納鑒乖方圓甘遭世  
俗賈人將競嘲譏予乃敢教誠苦言加箴規默默使心解酒酣示新篇辭  
源極滂湃却類任公子投竿下群鴉應知藝嘉禾茲治絕穉穉讀之神駭  
驚秋蛩罷嘶鳴政圖藉薰陶別遠隔遙界欲叩寢食安但復占爻卦浦汭  
守衡茅無從豁矇矓譬諸鐵在爐伊誰鼓風韞况乃患沉痾軀命猶纖芥  
侵尋閱暑寒孱弱乏剛夫精神盡凋耗面目多腫瘡布衾暖閣眠藥貼晴  
簷矐年來獲告瘳書齋仍掃澆猿鶴亦爭慶似索烟霞債綴賦詠雕蟲攻  
篆學垂蘿有時看飛泉四山寂無矢思取古遺經一覽適矣噉蘭膏繼日  
晏安中懷亦劇蜂蠶蚤暮自深省此語諒非遠近聞予亦歸親朋樂情話  
千里感貼書版勤馳一介而翁幸康強愧缺床下拜執簡立臺端百壬不  
敢噫道遠莫前動若飛翮鍛歲月無停軻季秋候已屆籬菊傍雲肥江  
山日如畫軒車幾時來夜雨一燈掛明德正可崇相期各云勤

題水簾洞

石泉飛雨亂淋漓翠箔銀絲萬縷齊雲屋潤含珠網密月鉤涼沁玉繩低  
鯨人夜織啼痕溼湘女晨粧望眼迷恍似水晶宮殿裏四簷花雨亂鶯啼

王待制禕

禕字子充義烏人少宋景濂一十二歲同出柳待制黃侍講之門元季觀  
時政衰敝走燕都上書不報歸隱青岩山中太祖徵爲中書省掾進平江  
西頌上喜曰浙東有二儒者卿與宋濂學問之博卿不如濂才思之雄濂  
不如卿詔修元史與濂同爲總裁官書成拜翰林待制奉使招吐蕃至蘭  
州召還改使雲南抗節死建文元年贈翰林學士謚文節正統中改謚忠  
文子紳孫稔皆以文行稱

雜詩四首

腐草幻熠熠光燄之不遐雀入水爲蛤乃更混泥沙根蒂本如此變化亦  
復爾不聞北溟鯨一舉三千里

鳳皇無竹實無以充朝饒麒麟遇豷夫乃比麋與麋君子召道德不遇將  
奚爲所以魯中叟終身亮栖栖



南園種藜苳北苑藝瓜薑食蔬豈不美淡薄味孔長如何元相國胡椒積  
盈倉終朕被寒口死可憐傷

山枯因產玉川竭終孕珠珠玉到人間禍胎不可除脫粟足爲飯裂布足  
爲襦吾寧謝華好朴素以爲娛

雜賦七首

大化莽冥冥曜靈無停候往古復來今吾往渺何究無始在我前無窮在  
我後其間僅閱世曾不百年久百年亦頃刻彭聃詎云壽悲哉浮休身不  
及道傍埃不學劉伯倫陶朕付杯酒

窈窕青樓人二八多嬌艷朝朝明鏡中夫容姬生面看花紅艷殘綠葉秋  
容變白髮日夜生衰莫如轉盼所以學仙人形神每精鍊吸景制頽齡長  
生凡骨換

萬物何總總錯糅兩儀間人身亦一物於何較姪妍古人有不朽身後貴  
名傳鴻勳勒惇史與學在崇編託茲以名世庶用垂不刊孰知竹帛壽不  
似金石堅風千秉微尚外慕俱棄捐獨持方寸心千載明月懸

驅車適秦京策馬來燕國所見何堂堂莫非侯與伯甲第金張家乙觀王

謝宅旌節出廣衢百步人辟易威權自其口氣煥何烜赫安知公餽傾反  
掌遂狼藉魯連彼何人肆志寧自適

梧桐生巖陽下俯清澗潯柯葉雨露滋鳳皇宿其陰稟材一何良裁作綠  
綺琴被以絃朱絲綴以徽黃金澹狀三尺中實涵太古心唐虞世已遠末  
代崇哇淫匪無南風曲欲鼓孰知音

終朝飲醇酒舉括易成醉終日讀古書撫卷不成寐義理一何深歲月一  
何駛功名實外物山林乃吾事昨夜西山雲秋雨生爽氣笑指二人襟終  
當勿相棄

門前兩松樹千尺何青青白雲枝間宿縹緲姿態生驚颺來吹拂復作笙  
竽聲物情豈有適偶爾相合并須臾遂分散彼此各無情因之感世故超  
然欲忘形

感興

女貧適人難士窮事人易堂堂七尺軀道義非不貴孰知一失身祿爵反  
爲累由來食人食有死心弗替出門慎其隨大易著深義所以古達人隱  
約居亂世我懷管幼安高風邈難繼

夜坐擬古二首

新月如弓彎流星如箭長惜哉弓不絃况乃箭無鏃借問羽林軍何以射天狼

織女居河西河東住牽牛奈此一水隔數會曾無由精衛勿填海爲我填河流

三韻二篇

巨鳥有六翮大魚有重鬐回翔棲鄧林噴薄遊天池終焉觸罔罟性命不自持

曲曲溪水流東折復西轉潭底一何深灘面一何淺人心亦復狀何從測夷險

次韻友人山居秋日就述鄙懷八首

月出東嶺光風來西樹聲秋景倏然異令人心意驚君子有所蘊失時終不鳴獨憐青鏡中白髮日夜生

白髮容易生况復聞秋砧觸物動深感感此歲月深子期詎堪鑄舉世誰知音取琴爲君彈請彈梁甫吟

梁甫不可追，何由繼華躅。永懷古達人，未易食人粟。寧將七尺軀，甘爾隱

屠牧。誰待明月珠，却向窮塗哭。明珠有照乘，其燭百尺長。如何汙塗泥，世人不得將。終然有時出，奪月爭

夜光。至寶非可私，獻之天子傍。

憶昔天子都三載，竟忘歸。謂將拾功名，所志非輕肥。翻然忽自悔，自售古

所說。歸來山中居，坐看雙輪飛。山居亦何樂，所樂在泉石。盤桓撫松桂，茲樂豈易得。白雲如飛鴻，過眼時

歷歷。俯仰天地間，孤蹤寄幽僻。幽僻管岩中，結屋開荒畦。羣山列左右，雙澗鳴東西。蕭然守岑寂，環堵蓬

蒿齊丘戈。徧天地，吾將託冥棲。天下兵未息，何當騁予懷。富貴非可待，少壯豈重來。百年亦偶爾，千載真

悠哉。惟應抱遺經，獨立山岩隈。

南康郡齋書事二首

郡廨新落成，繁木蔭階阼。稍欣吏牘稀，危覺民事理。簷雀不相猜，群飲視池水。

古人樂吏隱所貴性有適著述本吾事催科豈其職拙哉彭澤翁惆悵爲形役

七月八日同季高渡北東歸述懷分得僉字

蚤年志湖海嘉邇非所甘驅車燕趙北弭節吳越南季子誇遠適虞卿勞  
負僂謂將風翮翔詎能轍鱗淹蹉跎歲云壯頗覺世事諳致君術豈謬枉  
已意已慙乃知屯株守殊勝虎穴探遭時兵革興江淮戰方酣日夜羽書  
急列城俱戒嚴况茲錢唐俗險惡人何堪千錢購斗粟累日食無鹽吾徒  
事文翰不解從戎驂客囊更羞澁愧乏黃金兼歸歟豈不樂何待霜露沾  
長揖別英游明發張雲帆同行藉佳彥高誼中心銜依依共蔬食鶻鶻接  
叢談長路頓藍輿涼颺浮葛衫原田畢新穫村釀如密甜顧惟出處意幸  
子同酸鹹子家峴山陽第宅深潭潭藏書故可讀一一懸牙籤稍須稷吾  
被相從坐山龕世故易翻覆人情劇寒炎殷勤亦何屬寶爾筆鋒銛

贈陳憲史之福建

夫君英妙姿家世聯仕籍弱齡濟烏臺所掌在文墨致身已青雲騰譽如  
白壁序勞合優遷隨牒更遠役七閩處南甌憲府堂堂關君往試所長俯

就列曹職相逢錢唐濱秋風動行色嗟茲邁時艱天地滿兵革嗚呼別際  
昨何乃際斯厄生者困科差死者墮鋒鏑貴人豈不仁胡不懷慘惻我觀  
得意者及是翻取適旌旗出廣路百步入辟易假威濟誅求生事微玉帛  
高堂日置酒秉燭燕賓客芳除紅錦藉珍饈青紗幕嬌歌絕艷舞文婦擁  
前席垂酣不上馬歡樂未知極寧思公餽傾便受素餐責維時風紀司厥  
職務糾擊矧今慎掄選充位皆名德願君勉贊襄要使去淫慝及物摠至  
情臣時展良策願予狂者流撫事常感激平生賈生志臨別長太息

性初余同門友至正初定交錢唐及茲兩紀頃以先師黃文獻公  
所贈詩見示感今念昔撫卷泫然因次韻追和

憶昔與子游我齒始踰冠子年頗少我已復飽經傳白璧信少雙明珠合  
同穿吾師文獻公清慎寡推薦而獨敬愛子掄揚儕衆彥庶將托斯文豈  
特誇詞翰緬思韓公門至者凡骨換其時籍泥輩抱璞爭自獻何言百世  
下徽猷乃重見寥寥古道遠忽忽陳迹幻我時事遠游歷攬天下半三年  
客幽燕坐使黃金散却歸巖穴底還覓青精飯惟子負奇才年長氣逾悍  
不受世鞅鞅歸釣東海岸誓終究遺經世累忘貴賤蛟鱷者何爲騰克起

清且誰云屠龍手祇解挾書卷揮劒刺其髻腥雨灑流汗終然雖裂背竟爾成解腕遠害圖全身有足奔走健自茲十年來宇內皆糜爛我猶跼故園子乃處遐甸蹤跡無由聞頗類弦離箭及是重盍簪各詫經喪亂故業共討論殊覺賢否判子才雲錦機組織五色線待詔金鑾坡講經白虎觀此事誠所優吾將迫衰晏邇風一泫朕徒有情縈縈

國賓黃先生之官義烏主簿賦詩奉贈

黃君古君子制行粹且夷恂恂美儀標藹藹瞻文辭峨冠映長鬚大布以爲衣衣歲應辟舉來自盱江湄久爲金陵客旅食困鹽齏樓斷春夢新亭傷夕暉解若展良晤游從獲委蛇苦乏尊中物清茶淪新礪家方需賢用以脩羽儀如君真典刑朝著合先躋今茲得一官其職在勾稽道明雖快簿母乃秩猶庠吾聞君子心愛民仁所推苟不務澤物卿相亦奚爲烏傷古漢縣土壤非膏腴我實此邑民習俗固昔知君今蒞其邑爲爾略陳之昔當暴秦世孝子曰顏宜親喪負土葬哀感群鳥飛啣土來致助吻傷血流滋邑由是得名遺塚故壘疊凄涼千載下林風撼餘悲建炎宋南渡中原戎馬馳時維宗忠簡獨建勤王師汴京旣恢復渡河將有期回鑾

二十疏瀝血以陳詞神州未全壁計表若緘哀遂隳中天業南北成分離  
至今讀遺事令人雙泪揮忠孝實大節至行出天藝吾邑乃兼有前册狀  
光輝餘習之所被其民良易治可施禮義化難用威詐驅奈何邇年來其  
力不勝疲誅求苦無藝大小含創痍須憑長民者煦嫗勤撫綏苟復事岐  
朴愈使其心乖至公民不病至誠民不欺以故昔循吏務先恩惠施所居  
其民富所去民見思願君勉自奮前哲諒堪追華川十里澤近在縣郭西  
曩當歲大比吉讖驗清漪暑雨芙蓉渚春風楊柳堤仙宮聯梵宇烟樹蒼  
參差吾師文獻公其傍有新祠妥靈設虛室麗牲植豐碑頗聞闕主守荒  
草滿堦堦煩君下車後爲我薦一卮蘋藻幸可擷豈必牲肴肥先廬在縣  
北棟宇就傾頽老桂當北堂高槐蔭前扉頃者處州軍肆暴如狼羆毀我  
西南軒以作軍營閭老母嫗垂白獨在其中居不知風雨夕何以庇其軀  
煩君下車日語我弟與兒雖然力綿薄家事要維持稍須加繕葺先業不  
可墮憶我里居日親友常提攜覓句輒驚回尋益每淋漓只今亂離後在  
者知有誰仲實忠藺裔篤學號醇儒開門授章句後生所歸依仲玉類許  
丞庠序賴綱維優游里閭間年已向艾耆德元負才氣少也不可羈援經



復據史歷歷談是非酒酣卽狂歌襟度無畛畦左足久蹙蹙想更容顏衰  
惜哉承平世遺此磊落姿近聞處村僻轉與世情違高氏好兄弟和氣溢  
墳麓仲顯最卓犖處物善隨時往者築新城趨事不敢遲比子遘家難尉  
書遠相貽殷勤見高誼使我重相懷仲祥乃難弟倘絕猜疑時時暢靜  
抱卽物賦新題亦遭官軍惡狼藉桃李踐定應稼軒下仍可肆娛嬉漢英  
成均彥語話甘如飴一自忝京華力畊理東甬平生經濟具蕭條嗟已而  
國器意跌宕篆法效秦斯酒禁近嚴甚無從啜其醪山田秋芋紫自足供  
午炊國章我所畏爲文時出奇詞鋒動橫厲穎脫囊中錐也從青岩隱依  
山結茅茨凡此數君子吾邑稱白眉可以咨政務可以談玄微煩君相見  
頃爲我道區區自我公鄉里三載于今茲學殖反荒落宦業亦何裨惟羸  
髭與鬚星星總成絲未續歸田賦空誦陟岵詩今晨送君別令我慄不怡  
奈此臂不羽不得從君歸山川豈遼邈夢魂庶相隨新寒入締絡別袂風  
披披抗手秦淮上我歌多嘆噫情真覺辭費後會以爲資

九載章生歸括蒼賦詩四十韻贈別

自我來金陵閱歷今六載取友日滋多雲萍總湖海誰其最知心生也情

藹藹若翁中丞公高誼尤慷慨其量淵汪洋其器山嶺崕起家本詩書致  
位今時鴈跡余猶弟兄往往過期待古人不可見賴有若人在生能繼翁  
志愛我曷嘗怠寂寥旅邸中過從不嫌每晨游輒交申夜語恒到亥繼晷  
焚膏油列饌羞脯醢哦詩卽成諧索紙不爲賄生也姿甚良爲學如等壘  
基固益加崇力勇那嬰痲窮經鉤隱微臨文絢光彩摘藻揆英華春空雲  
變黷求教生實渴待問予則餒譬如處暗室何從視高墪又如枯竹節安  
足扶輿綬坐此真可慚生猶不予猥居然膠在漆逾久好逾倍茲焉舍我  
公契濶將無乃故山括蒼蒼笋蕨春可采臨清挹潏潏潏鮮收蓓蕾歸哉  
誠足誇類戟獲旋凱新憂固服期具慶須舞綵父書讀仍勤聖轍遵母殆  
卒業究遠圖失學徒後悔君子惜寸陰玄髮容易改我方墮疎庸長路艱  
駑駘區區二三策不足獻君宰投閒未蒙恩冒進祇增罪此心獨生知盡  
亦且不逮臨別傾巨觥聊用澆磊磊寧無別離泪不效兒女酒宣室行召  
賈燕臺正需隗重來儻有期話言勿余給江花思漫漫贈別乏蘭茝短歌  
寫真情庶當珠一珎

長安雜詩十首

自昔天子宅雄麗稱長安右瞻控隴蜀左顧俯河關清渭北據水太白南  
聯山其間八百里陸海莽平川神臯奠天府風氣固以完周家本仁厚國  
統最綿綿漢唐能樹德亦復祚胤延秦隋秉虐政二世卽傾顛在德不在  
險古語諒弗謬茲異代後遺跡已蕩朕宮殿皆劫灰城市盡荒阡迤邐  
隴首坂縈紆樂游園老樹帶落日平蕪被寒烟憑高一覽古千載在目前  
盛衰有天運興廢復何言

我行咸陽野但見多墳塋大者王與侯小者猶公卿隧前無碑碣莫得知  
姓名想當在世日貴富臻顯榮賞罰自其口語出神鬼驚焉知百歲後泯  
然無所稱壘纍一抔土僅與蟻垤并聖否共堙沒後人爲傷情

秦皇併六國漢武開西方兵威如雷電滅戮皆暴强功成無所欲但欲年  
壽長樓船往東海仙劑求扶桑金盤出雲表沆瀣承天漿眴眴蓬萊藥燄  
研瑤池觴終然乖所覩自夕徒遑遑欲火旣已熾反使情內傷神仙不可  
得壽齡亦尋常我聞古神聖與天同運行服食享太和呼吸調陰陽躋世  
爲壽域斯民咸樂康優游道爲體凋落後三光曾足弗能效安得命無疆  
坡陀驪山下零落茂陵旁至今行路者佇立爲徬徨

崔嵬終南山形勢甚磅礴西來挾崆峒東亘聯華嶽長雲覆重巒紫翠入寥廓杞梓產深林龍蛇蟄幽壑淑靈之所鍾宜有異人作如何千載間蹤跡轉蕭索姬旦不復生三代已云邈後來王佐才勞我思景略渭水何湜湜湮湮水襍泥淤其源各異出其末乃同趨清濁旣以混終狀成合汚人生實異此稟性同厥初所習日益遠竟爾分賢愚安得涇渭水清濁永相殊

昔在元世祖分地王關中潛藩富才彥一一皆夔龍誰歟任儒學先正推許公沾濡布教雨鼓舞振文風後來踵其軌厥稱蕭蕭與同發揮聖賢道張主皇王功出處雖異致德義非殊宗至今關輔開教思藹無窮前哲曰云遠悵望吾焉從

群經載聖道昭揭如日星秦火一何烈燒燔滅其形漢儒事掇拾區區補殘零雖然有遺闕其功亦已宏唐世尚文學君臣益留情琬琰刻文字後先十三經謂茲金石堅不與竹帛并自從東都後此刻最爲精羅列贊舍內奎璧映晶瑩我言金與石有時亦銷崩有形必有弊斯理詎難徵安知聖人道所託非所憑天地共終始猶歎罔能名

長安王霸都中更九朝業城夷池亦陘復孰窺浩劫舊物奚所存獨有慈  
恩塔高標穹昊摩壯趾坤倪壓緬懷唐盛時士子重科甲石間所題名先  
後紛襍逕歲月曾幾何聲光俱黜黜吾將登絕頂俯仰凌六合天風從東  
來涼意客懷悵

步出城東門穹然見丹墀不知何王宮金碧猶煒煌云是元帝子分茅鎮  
此疆傳世僅三葉嗣胤今滅亡深宮闕珍菓迴溝亂垂楊撫物足流眄感  
時忽凝傷自古有興廢天道非茫茫

人生百年中窮通無定跡譬如風前花榮謝亦頃刻當時牧羊豎尊貴今  
誰敵顛顛種瓜翁乃是封侯客丈夫苟得時糞土成拱壁一朝恩寵衰黃  
金失顏色古昔諒皆然今我何嘆息

五月余還至渭南適克正博士爲丞於茲賦詩道舊并以留別

曩余客南京結交盡名友交采競聯翩氣義身纏糾予也時所需翻然起  
江右譬如豐城藏紫氣映牛斗神物一朝伸光價孰能扣五年教成均後  
學資善誘紛紛貴游子成材繼先後交契豈不多於余誼尤厚誓偕古尊  
幣共棄俗盆缶世情略外緣古道堅素守艱難共嗟咨疑惑同析剖鬻齋

夜鐙苦輦路晨轡偶蹉跎歲年深顏面俱老醜我從去年秋將指事西走  
今春子亦出丞哉實爲負豈期清渭濱乃此獲攜手始晤含悲辭稍坐開  
笑口旣懸徐鴉榻且酌陶潛酒問勞益情傾談諧仍意振延留甚殷勸未  
厭浹旬久會合烏可常別離諒非苟炎埃滿征涂我馬不堪越明當復東  
邁行止庶無咎上以奉明君下以慰慈母平生功名心蕭條亦何有惟是  
故意長欲報乏瓊玖英英華陽雲勞我重回首

禽言次王季野

力作力作人言田家樂誰識田家苦養蠶一百筐種田一百畝田蠶非無  
收不了輸官府但願官府不我虧田家力作非所辭  
行不得哥乾坤滿眼紛千戈荆湖骨如山江淮血成河道路斷絕可奈何  
君行將何之欲投遠東去却向海上過行不得哥海水能可測只今平地  
皆風波

築城謠

朝築城暮築城築城欲高高輒崩江南五月盛霖雨隨崩隨築人人苦大  
家築城多賣田小家賣產來助錢朝築一寸暮一尺盡是齊民膏血積爭

道城高可防賊民力已窮何所益君不見陛下盛德猶如天四海一家千  
萬年金湯之固非所恃何乃坐令民力敝

白翎雀圖

白翎雀雪作翎群呼旅食唳嘶鳴何人翻作弦上聲傳與江南士女聽南  
人聽聲未識形畫師更與圖丹青圖丹青一何似知爾之生何處是秋高  
日子草如雲風勁腦兒沙似水

江上曲

木蘭船繫門前樹阿郎今朝棹船去去時爲問幾時歸約道歸時日須暮  
江上風水不可期日暮不知歸不歸

二月望在鞏昌客館夜夢歸里中與金十二丈傅九文學同游高  
五處士別業旣覺有感而賦

東風解凍春二月東還隴西駐吾轍中宵好月入窗明孤館殊花應時發  
慷慨旣罷倚醉眠夢裏迢迢返東浙我家住在縣烏傷奕世衣冠紹先烈  
青嶂之下華川湄古木修篁蔭門閭里中朋友不數人總角交游到華髮  
金丈雖老文益昌傳子方強氣難遏縣南高叟故所居別墅新營最幽絕

大田多稼廩不虛華屋有軒席常設自余便道過家時三載于今成濶別  
今日何日乃盡簪固應舊好三生結竹林藤簟坐曄曄橘逕梅蹊行蹙蹙  
篇章雜選詩句哦盤饌紛紜酒盃覆既誇答客語仍狂頗憐哭子言猶噎  
儼然相對如平生抵掌論心盡懽悅寒鍾驚覺損無聊一點青燈自陰滅  
倍思故隱只山中却歎浮蹤向天末嗟我文章非古人虛名在世真叨竊  
一從螭陛到鑾坡久侍清光入金闕每多杜甫能自刺許身欲比稷與卨  
文圖事主盡愚疎豈意謀身轉迂拙肅將使指往西垂迢遞河山重跋涉  
嚴風裂面沙眯眸冰髯霜鬢莖莖折瘦馬衝寒不自禁狐帽貂裘仍狗襪  
得非博望泛星槎無乃中郎持漢節道塗嗟寒竟莫通使事還須遂中輟  
歸報吾君扣九重天顏只尺容趨謁儻矜弱質賜恩光使向明時乞骸骨  
慈母手線猶滿衣先人遺書故盈篋鑑湖一曲非所望家山自可采薇蕨

十一月十日宿陳敬初館中臨別有作

歲十一月當嚴冬江湖水落潛蛟龍蕭條長塗客旅散而我買棹過吳淞  
茲行豈爲飢餓逼念子高誼來相從托交同門已十載蒙被教益開愚忝  
時時彼此互有激譬持寸莛撞巨鐘姑蘇臺前攬秋色麗正門外尋春容



中間欣戚每相縈要復終始猶距蚤一自去春與子別旌旗滿眼紛縱橫  
及茲相見恍如夢中夜論談披心胸君言祿爵非所願但願擊壤歌時雍  
却因文章著不朽賴爾養粹甘爲農顧我所願頗與子謂欲與世相奔衝  
黃金鑄印錦懸綬時至未暇辭侯封丈夫出處雖二致非係愚哲由垂逢  
得意缺望亦常事所貴自實如璜琮計長較短語輒久坐聽曙鼓殷鑒鑒  
人生會合良不易奈此物役相牽攻君留仍泛越來水我去猶對金華峰  
區區離別不足惜且復醉于雙尊釀郊餽自附提籍輩此事遠矣須追蹤  
送許時用端越

舊擢庚寅第新顯甲子篇老來諸事廢歸去此身全烟樹藏溪館霜未破  
石田鑑湖求一曲吾計尚茫然

丁酉五月六日吳善卿宴諸公越城外唐氏別墅分得輕字

亭館鑑湖曲欄軒水氣清戰袍當暑換舞袖傍筵迎受雨枇杷熟欺風翡翠輕  
盈行敢辭醉不負主人情

吳江別道上人

飄零有若此離別復如何情劇酒杯少愁添詩句多嘉村黃葉樹極浦白

鷗波回首相携處秋風瑤瑤坡

吳門懷友人

三月長洲苑重來意惘然江南春似海客底日如年舊約今何處新題定  
幾篇相望不得見獨立最堪憐

郡齋偶賦

宦況真蕭索虛齋足晝眠思親懷愛日閱史記疑年白髮生愁裏一作黃  
花立醉邊風流陶靖節輪爾早歸田

秦州道中書所見簡袁同知

入得秦州境川原生意多春田無曠土雪水有深波鴈韻兼鸚鵡驢綱帶  
駝州侯有佳政五袴競聞歌

秦州

水積從天降山連與蜀通遺碑李廣宅廢寺隗囂官度隴遲迴際游秦感  
慨中長憐少陵老曾此歎途窮

澠池道中

九月忽又莫吾行祗自傷秋兼人共老愁與路俱長野果迎霜赤園花帶

雪黃故人相慰藉日晚引壺觴

簡性初

念爾仍多病天寒近若何或疑詩作祟莫訝藥爲魔帶緩知腰瘦巾深怯  
髭暗雪殷燈外聽香氣枕邊過客至還題鳳書成卽換鵝寂寥鸚鵡賦慊  
慨屢屢歌夢記青綾直春同絳帳多尋芳倘能出南陌共鳴珂

次韻答上清道士

山中一別五經春近得詩篇意度新文字須爲方外友神仙元是世間人  
洞雲玄虎司丹室壇月清鸞禮玉宸坐對匡廬秋色好欲將寄遠苦無因  
次韻蕭山友人

長憶蕭然山下縣去秋爲客日招邀夕陽玄度飛輪塔曉雨文通夢筆橋  
搜檢重魚窟爾雅味歌草木續離騷舊游回首成凋謝莫遣音書似路遙  
吳江客中冬至日

十年奔走竟何爲轉覺謀生事事非時序每驚熱裏換家山長向夢中歸  
吳江歲晚寒波積楚塞天空鴻雁稀酒後登樓倚惆悵緇塵猶滿舊征衣  
次韻高仲原錢唐寒食

又見錢唐節禁烟極目風光殊索狀芳草自生兵後地画船猶醉雨餘天  
甲乙樓臺非舊觀東南富貴復何年客中無限登臨意都付啼鴉落雁邊  
留別陳秀才

百里春帆到海隅不堪回首拂征裾少年未慣長爲客有使相煩數寄書  
言子絃歌遺化在吳王城塹劫灰餘英游從此成疎濶後夜懷君月上初  
桐廬舟中

瀟洒溪山夢此邦輕風細雨過桐江川迴幾訝船無路林缺時看屋有窗  
野果青包垂箇箇水禽白羽忒雙雙到家會值重陽節新釀村醅正滿缸  
京城春夜漫興

金水河橋一作頭輦路分深沉庭院柳如雲春來天上渾無迹月到花間似  
有痕酒思普騰欹枕卧鶯聲宛轉軟離隔牕間千金欲買長門賦誰似相  
如善屬文

應上人自開先寺來訪因寫詩爲贈上人以大慧普說石門樞要  
二書見示故及之

匡阜東來路欲迷山風吹雪滿迦黎眼看玉峽雙龍出自伴雲松一鶴栖

妙喜語言直質鑑寂音文字比金鑰荒城飛錫來相訪還笑當年限虎溪

蘭州

洮雲隴草都行盡路到蘭州是極邊誰信西行從此始一重天外一重天

無題回文七言絕句

四首

微醉帶歡春意足密期成約晚情多飛花落處焚香篆乳燕啼時捲幔羅  
風生竹徑迷深綠雨過蓮池浴膩紅銅鏡對粧臨牖北練裙顯字戲牆東  
芳謝菊葩含重露瘦侵梧葉著輕霜涼宵怯扇藏枕素遠路將書寫紙長  
殘雪喜傳三臘信早梅欣報一痕春寒欺獨枕驚點夢悶結雙蛾翠飲顰

王博士紳

紳字仲縉待制公之子待制公死節時年才十三從宋太史學太史奇之曰  
待制有子名其齋曰繼志洪武辛未應蜀王聘爲成都府文學自蜀之滇  
訪求待制遺殖作滇陽慟哭記戊寅建文君卽位用薦者召拜國子博士  
入史館纂脩高皇帝實錄庚辰卒于官子徐方正學之門人以文行著  
夜坐呈正學方先生

銀燈燦餘輝夜氣清於水顧此知心人幸遂盍簪喜酬酢啓黃封論議析

玄理俗眼爲之開塵心頃如洗孔明人中英州平獨知已黃憲千頃陂世以亞聖擬德重衆所推才高莫能比懷賢古卽今酒酣熱生耳

入峽

世傳三峽險吾身適屢往蕩舟趨洄流驚濤漾輕槳巔峰開復合青天細如掌浪急先期程谷空答漁響回顧上瀨人吾行若平壤日夕下夷陵祝酒相忻賞

送鼎上人還鄉

青原有名緇戒行極嚴具一葦航大江飄飄隨所寓十月天雨霜木落林姿露翩跹逸興發長歌賦歸去杖錫輕波濤袈裟入烟霧月照祇樹西相思渺何處

夏日

天氣屬清和幽齋淨於水端居仰聖明俯探玄化理浮雲馳遠郊重陰蔭書几好鳥弄佳音閑花發奇卉蕭散有餘清煩襟蕩塵滓

題黃侍中翠微書舍

二解

環池皆名山山深積蒼翠長夏晴雪飛無雲亦陰翳

屋頭有流水時作幽琴鳴掩卷欲細聽風移過前楹

早行

孤館驚殘漏登途竟若迷山形存隱約地勢失高低薄曙欺殘月哀猿和早鷄忽聞飛瀑響已過石橋西

蘇編脩伯衡

伯衡字平仲其先十世爲眉山文定公文定長子遲知婺州遂家焉遂爲婺之金華人仕皇朝爲國子學正擢翰林院編脩宋景濂以翰林承旨致仕薦平仲自代召至復固辭賜文綺遣歸

後起教授起州以表其作書生事卒於歸土餘語之二子始始教父并其則

送宋起居還金華

長揖謝宦徒還歸戒征軸眷言幽貞廬復在仙華麓就養望旣盈考槃志亦足儲清濬昔池薤荒理舊竹蘭佩紉春鞋荷衣製秋綠沆瀣晨三嘖彫胡晝九曝從今猿與鶴不復怨幽獨

玄潭古劍歌

扁舟昔向玄潭過聞有古劍留巖阿欲觀躊躇復不敢只恐開匣踴躍翻滄波此時解后都城裏玉質珠輝那得比玄靈外護朱草莖赤日天中湧

湖水想當旌陽初鑄成橐籥元氣驅六丁星象失光彩白藏儲精靈不然  
長纜尺又半如何照室影凌亂神光兔脫飛雪霜寶氣龍騰貫霄漢自從  
斬蛟江水中濁世餘子誰能庸長伴空山樓遁者但見白晝風雲從邇來  
閱歲未五十兩度江湖寄踪跡瑤臺月夜聽吹笙金界晴空逐飛錫昔至  
燕京時太平今留石城氛祲清乃知神物等鎮圭冥漠自有神提携由來  
治忽係出處非是漂泊東復西聖明御九有妖孽俱授首既非假道斬六  
蛇何用軍中撞玉斗明朝且賦歸去來彭蠡扁舟落吾手中之以歌曰我  
知爾今爲赤蚪上帝有命兮下土留爲民捍患兮萬歲千秋彭蠡之與兮  
蜿蜒所鳩爾之歸兮徑中流慎勿奮飛兮從爾儔使我思爾兮離憂舞蛟  
鰲兮與鱗鯢

送曹叔溫赴淮安幕

初我識君自三山面如白玉紅頰顴平明振佩入烏府行人指點大中仙  
此身萍梗隨流轉淮水東西數相見時清事簡百不憂卮酒篇詩恣歡宴  
自從烟霧羈江湖將軍無復能齊驅春鶯秋月兩寂寞尺素斷絕心煩紆  
今古江南佳麗地龍虎載瞻天子氣萋萋束帛賁丘園濟濟衣冠若鱗萃



東華邂逅式相逢蕭雖短髮驚成翁青衫依舊陪驄馬風雨徒步追群公  
過從更說舊游好舊遊着處生芳草沈約樓前杜宇啼西施陂上芙蓉老  
京城官釀斗四千交歡安得青銅錢三嗅落花共一嘆浩歌白石看青天  
盍簪方喜慰疇曩慘別那堪增蕭索寒潮浩蕩足秋霖木落江空欲何往  
紅蓮綠幙依黃堂駕言擊楫趨山陽君才有用仍小試千將百鍊須善藏  
幾年爭戰今休息鬪饑糲糊土花碧韓信祖逖安在哉但見長淮搖落日  
世途反覆如浮雲人生離合矧可云天皇盛德同華勛肯使獨鶴終鷄群

郭熙關山雪霽圖

昔我北遊月在襍兼旬犯雪度雄霸千里萬里皆瑤琨高速丘垤低迷蹕  
朔風烈烈塵不驚中野蕭條但桑柘僕夫股慄面削爪身上破褐纔掩骼  
長途日暮行不前回顧堪憐那忍罵前車旣斷後車絕停驂獨宿道旁舍  
床頭土銼蘄生薪村酒沽來敢論價臥聽櫪馬齧枯荻展轉無眠疑不夜  
忽朕朝光入甕牖主僕瞥見互驚訝攬衣勿勿便蓐食如此晴明喜天借  
可辭趁暖卽前程翦拂寒驢還自跨瀟溝凍合正練橫徑度不用修梁架  
西山馬首遙相迎拔起人言似嵩華瓊樓玉宇忽照眼行行已到南關下

時清關吏殊可人不復誰何乃邀迂過關使客多於簇或挽柴車或高駕  
閑情我正繞剡溪吟思誰歟似清灞道逢軒蓋何其都駿馬雕鞍蒙錦帕  
銀盆熾炭蠟光燃面面檐帷行酒觴徒御繽紛意氣競錯金劍具青絲靶  
行人不解說姓名但說無非國姻婭狐裘貂帽詎知寒馳驅爭入柳林射  
當時有意欲賦之計吏相煎嗟不暇鶯花窈窕江南春風景依依在圖畫

贈徐季子

百金不惜市旄鞭兩耳不解聽朱絃人情如此亦何以我每見之獨慨然  
夫君懷寶起浙右掉鞅觀光來日邊夙學人言破萬卷新製我喜窺絕編  
金莖玉露足秋爽林花澗草爭春妍紛紛牛毛豈不多振振麟角爾固專  
摘藻詞垣翻舍置採芹鄉泮仍留連所好者竿鼓者瑟猶枿以方鑿以圓  
陳平丰姿若冠玉鄴生辯口如河懸禮意殷勤日三接華貫駁歷歲九遷  
由來利鈍係遭遇未必愚智殊天淵樂育菁莪亦已重况乃桑梓敢不虔  
去國不賦北門什還家徑上東吳船大材小試吾竊歎冷官不厭子及賢  
簪予閑世倏四十守官太學垂五年包羞待問成倚席畢景兀坐寒無羶  
勲業空期蠟附驥俛仰却笑夔夔螭彼哉浮榮勿復道歸歟樂事言難宣

會稽雲門最幽絕鑑湖剡水交滄漣玄猿嘯呼山近屋白鳥明滅江吞天  
雲間往往得靈藥月下時時聞采蓮多暇應爲曲水會乘閑便作東山眠  
村舍溪友總愛客蔽茅葺菜不計錢酒酣更斫銀絲鱸章就還酒蟬翼牋  
並遊只許欽冠子同載應懷玉局仙願言留榻以相待一曲擬乞君王前

周伯寧春晴江岫圖爲呂仲善題

尚書襟懷絕瀟灑揮毫往往凌董馬平生一筆頗自珍數尺新圖爲君寫  
齊山遙接吳山青碧波萬頃孤帆征東風綠徧汀洲草總是岐亭離別情  
一向江南一江北離情浩蕩嗟何極正如江上之碧波縱有并刀那剪得  
當時已足令心秋如今况復隔羅浮掩圖却上高臺望但見遠海連天流  
暮歸朝出誰與侶屢霧蠻烟結悽楚木棉花落鸚鵡飛苦竹叢深鷓鴣語

送王希賜編修使交趾

曆數歸真主群方若綴旒外藩須嗣續當宁重懷柔芝簡文彌盛茅封禮  
更優代言欣爾屬將指副予求暫下層霄去真成萬里遊官袍裁白紵廐  
馬出驂駟望重皇華使名高好時侯揚鞭隨越鳥祖席贈吳鉤自覺光輝  
遠那知跋涉脩幾旬行嶺嶠何處是交州山擁魚鱗集江分燕尾流墮葛

從帖帖馴鹿自呦呦綠認枕榔浦紅看荔子洲馬人偏好客蜩戶總能舟  
日上扶桑表天垂瘡海頭昔聞銅作柱今見蜃爲樓榭葉時交墜沙虫或  
贈投由來宜至德直欲被遐陬除館迎京使傾城拱道周陪臣偵伺謹膳  
宰往來稠樂作聆銅鼓衣更闕貝裘珍羞羅海錯妙舞雜巴謳蕉實垂垂  
重郁漿益益浮括囊懲意苴澀口却扶藁事大無違禮新王賢好脩有陳  
皆睿訓餘事及冥搜足使誠心服端非緩頰佯上方思子切誰敢爲王留  
別袂逢梅雨歸期指麥秋論思金馬日頌獻碧鷄不

送蔡思賢參政使蜀

清晨旌節三川去今日車書萬國同燕饒都亭來詔使停驂鄉井訪隣翁  
峰經回雁邇嚴靜峽入啼猿樹影空昭烈祠西諸葛廟秦州城北隗囂宮  
神交露立蒼茫際長嘯風生感慨中毛伯昔聞周上介隨何今見漢明公  
布宣德意相如檄囊括山川太史功河隴從茲兵不構輟輟此去路相通  
庭充橘柚陳方物歌聽巴渝識土風最是多情江漢水直隨歸棹到江東  
中丞劉先生齋閣前山茶一枝並帶因効栢梁體

朔風剪水雨雪霏萬木蕭條凍且僵青藜丈人鈴閣傍山茶作花紅錦香

中有一枝並蒂香符彩爛若雙鸞勢端然占盡三春光皇英來自雲中央  
赤旗翠節雨作行阿母笑執瑤池鵲仙童雙雙吹鳳凰綵女齊綰珊瑚璫  
麗色照耀青霞裳芳氣氤氲滿中堂大君尺劔定八荒牛蹄桃林馬華陽  
百度既貞四維張禮樂誰云謙未遑制作直欲追虞唐丈人今之杜與房  
主臣合德真明良朝夕左右扶維綱餘子議論安敢當一朝嘉惠錫后皇  
乃是人文發禎祥玉局仙子喜欲狂更祝人文壽而康輔轂鴻猷煥天章  
嘉樹呈瑞垂無疆

方壺雲山爛熳圖同胡士恭博士題

我家海嶽之圖圖乃是小米手所摹丹崖翠壁走雲氣北連恒碣南衡廬  
長風中來吹不斷疑有鬼物陰卷舒石林條開復冥漠雷雨欲至愁鼙鼙  
分張尚覺天地窄慘淡直與造化俱斯人一去三百載流傳筆力到方壺  
舊聞仙巖二十四雲窗霧牖仙者都錦溪朝朝玉氣合瓊林夜夜丹光嘘  
方壺揮毫托真趣生紙染出纔尺餘天高不見青島下樹老仍有玄猿呼  
上清羽士欣入手珍重不減千明珠展觀使我長太息如此雲山何處無  
武陵桃花春正開淮南桂樹秋不枯強顏笑傲金馬署陸我豈是東方徒

乞歸何幸優詔許遠遊便以雲爲車蒼梧旣歿虞帝墓會稽更探神禹書  
左攀東海若木枝右折西華青芙蓉尋真徑度弱水公飛行安用邛杖扶  
豈無清泠可洗耳亦有沆瀣堪充虛我自持盃酌阿母誰能搔痒招麻姑  
鬢髮不受皓雪變日月任使跳丸如玄圃羅浮若解后擬出海嶽相歡娛

題劉汝弼東源小隱圖

東源山水好聞說似終南種黍都爲酒誅茅小作庵過門人問字看竹客  
停驂亦有幽棲意遲歸我獨慙

朱澤民画

朝朝謀隱地忽見好山川雄麗皆衡霍幽深別澗瀝羊眠松下石虹掛屋  
頭泉便欲抽簪去依崖結數椽

贈王彥和簡校還北平

提封開画省地勢控全燕雪重陰山近星低瀚海連藩屏歸付托畫諾仗  
材賢捫虱家穀舊應須有奏篇

陪諸公郊行

忽憶兒童唱大堤便携僚友出金閨清溪繞郭穿魚市瘦馬尋芳踏燕泥

酒美得辭花下醉詩成謾向竹間題始知遊衍來應晚坼芷汀楊色已齊  
東齋夕書

幽居得自怡野性方愜素高枕一酣眠長廊獨閒步白日誰云長青山忽  
已暮皓月照前階涼風滿高樹偶隨孤鶴行時見疎螢度卽此有餘歡何  
况山中去

絕句

落葉滿御臯瀟瀟風雨夕一燈溪上明何處獨歸客

卽日

午門同出獨歸遲立斷銅壺漏下時添得綠荷千萬柄雨霰強半在西池  
集外詩一首

擬唐宮詞

紫禁迢迢宮漏鳴夜深無語獨含情春風鸞鏡愁中影明月羊車夢裏聲  
塵暗玉階綦跡斷香飄金屋篆烟清自心一任蛾眉妬買賦何須問長卿  
張按察孟兼

孟兼名丁以字行金華人劉誠意嘗侍

太祖論一時文人誠意謂宋濂

第一其次臣不敢多讓又其次張孟兼也孟兼出爲山西副使布政使吳印鍾山僧也孟兼負氣凌之數與之爭上曰是乃欲與我抗耶逮赴京捶之至死方孝孺作張丁傳

### 送鄭叔車

鄭子雖襁褓所怙惟乃父父昔仕燕京半世去鄉土子家孝義門十世居同聚派衍白麟支望出榮陽譜庭常無間言禮或習鄒魯鷄鳴起盟櫛合食聞鍾鼓雖當喪亂後遵訓仍厥祖我家故同邑匪聞目親親況子吾素知才華足多取豁落義氣俱欬唾珠璣吐揮毫走蛟螭作賦凌鸚鵡昆弟既謂賢親隣亦稱數久欲尋父去奈時方用武消息十年無道路滿豺虎近傳蕪荊平不覺喜而舞聞父已南還恨不身插羽歛衣卽登途宵進江上舫忘食并兼程亦不避風雨逾旬及南京迨父病將愈逆旅會面歡勝渴飲酥乳比隣走翁姬環視立如堵我時往相見政值日卓午挽之入客邸共談坐揮塵問言念父情情深話親縷如子之所經跋涉甚辛苦春泥膏土脉停雲黯天宇朝行履濡露暮宿定林莽我惟純孝者往往見前古名同金石堅不與草木腐事親在娛樂奚必養三釜羨子爲此行於世豈



無補聞者大驚奇見者輒誇詡人生斯足榮何用效題柱是言良已解口  
答頭屢俯陋予亦胡爲問學本狂瞽三年事佔畢竟日拘訓詁環列紛叩  
難類敵張勁弩內顧實空乏畏彼瘦林斧幸哉搢紳交脫畧曾等伍或時  
臥養病連月不出戶今日子來別省墓亟東下爲言奉父命明發河之滸  
此還暫當來寤寐欲陟岵聞之觸鄉思嘅嘆髣髴拊吾翁髮垂白不得躬  
幹蠶便欲從子歸致身學稼圃蔽廬南山中風物詫韋杜桃李自滿蹊去  
天纔尺五但見桑麻榮豐年多黍稌昨宵夢先壠松楸長栩栩強起訴此  
懷喚僕買清醕春風吹柳條夜雨漲江浦勸子盡一觴聊以寫心腑

漫興

梨花半開夜雨催無奈李花如雪堆門前美人不見來東風楊柳吹千迴  
義門鄭仲舒先生得請歸浦江余於先生同里且親故賦是詩情  
見乎辭矣

鄭公去年離北平束書抱病來南京城隅僻后喜且驚開顏握手言再生  
自從南北屢構兵日夜悵望鄉關情幾回寄書雁南征中心搖搖若懸旌  
苦遭喪亂百病嬰客邊藥索一旦傾此來四顧徒蒼蒼豈料吾子與合并

我時聞之涕泗橫况公素有文章名居官勝國職最清經筵之握轉庠塾  
及當玉署已宦成又爲奉常典染盛人生際此自足榮但恨白髮已數莖  
懷哉屈子全忠貞誼與日月同光晶願言夕食秋菊英佩明月璫紉蘭蘅  
懸河之論春雷轟使旁觀者顏發賴索居半載留帝城坐聽夜雨哦寒檠  
眼前倏忽時變更春風一見衰草萌公室孝義好弟兄遣兒千里來遠迎  
乃今得請荷聖明身若插羽乘風輕過門不別明遂行開船要趁蒸雨晴  
夜久不寐視長庚長庚欲落鍾鼓鳴庭樹喔喔聞鷄穀黼黻起舞冠絕纓  
公歸我愁絲亂縈亦有夢寐懷先塋如過吾父歛柴荆爲言恨不同趨程  
終當早晚乞歸耕

### 北山草堂

草堂卜築近嶙峋恠石蒼苔跡未陳澗瀑亂鳴前嶂雨山花遲發半岩春  
每逢過客留題壁自有居僧爲卜隣松下伏苓今亦大可能謀食樂終身

### 登聚寶山分韻得春字

蹤跡隣身拙登臨縱目頻江山如好客花鳥故餘春落落行藏異悠悠歲  
月新數莖初白髮朝夕爲思親

春日遊鍾山以溪回松風長分韻得長字

訪古來鍾阜尋僧問草堂千年猿鶴靜一逕石林荒  
泉落春水細梅留臘雪香鄉心憐薄暮矯首碧雲長

列朝詩集

甲集第十二

列朝詩集

甲集第十二  
補詩

宋太史公濂

題王允岡山齋

幽人宅一區卜築在陽羨銅官盛蒼翠白雲遞隱見溪水抱村流觸石成  
洄漩鶴巢古松枝魚噉殘花片清景樂高閒雅情任狂狷山林足肥遯軒  
車忘慕戀心靜養長年世榮倏驚電寄言謝逋客重修逸民傳

晚步青溪上

溪色涵空綠溶漾正堪餐十步九還辟清芬襲肺腑牙旣戢戢岸花亦  
粲粲潔瀝近宜押貴魴清可捫流念梁陳際甲第繞其垣南澨綺錢結北  
津銅網繁倒景浮空明蒸氣濕鉛丹有時作清遊肅然翰軒尊泛舟溢朱  
組遙延到蟬冠荆侶送妍曲秦豔發清彈唯恐懸象墮不憂芳年單繁華  
隨逝水崇替起哀歎黃鳥背人飛響入華林園

和胡古愚擬宮體

天上多春色人間迥不同花翻楊柳嫩春迥建章宮雲旂驚被影月扇雉

含風遙勝翠華近紅日照盤龍

和劉先輩憶山中韻

憶昔山中鍊九陽山頭旭日正蒼涼  
鳳笙吹煖雲中火龍藥凝成鼎內霜  
欲向森虎窟中房持戟混桃康山分秋色侵玄壑  
蠅蝸學天書景收壙五鳥花開呼鹿守千齡  
桃熟逾仙管伐毛定欲追秦女歌鳳誰能笑楚狂  
種得神瓜如益大養來瘦鶴似人長樓延虛顙殊庭上樹蝕蒼霞曲瀨傍  
劍氣尚堪吞鬼伯詩魂端合起羅郎但求脫粟三升飯肯賦眠雲六尺牀  
洞雪成藥烹日鑄海苔爲紙寫凡將舉頭便覺三山近  
小大俱冥百慮忘

見劉誠意基

次韻

句曲臺高倚太陽不風巖谷自清涼  
四時嵐彩霏瓊雪百道泉流湛玉霜  
雅稱采芝追綺季尤宜散髮學嵇康  
龍鱗錯錯松當徑鳳尾攤攤竹過牆  
月上海門蟾早覺露寒天宇鶴先嘗  
仙人卓劍降魑魅道士書符禁鴟狂  
寶氣丹光生夜寂黃精白水引年長  
茅君虎臥瑤壇上蕭史鸞棲碧殿旁  
桂樹寒山遶謝客桃花流水憶劉郎  
猿猴任占青蘿帳薜荔從生綠石牀

世人有身空自累詩成無雁倩誰將欲憑錦瑟傳幽思才理朱絃意已忘  
王待制律

憶別曲

低低門前兩桑樹憶君別時桑下去桑樹生葉青復青知君顏色還如故  
桑葉成蠶蠶作絲絲織作綾滿機欲將裁作君身衣恐君得衣不思歸

陳節婦

妾生南海涯窈窕如秋花鄰娃不識面千里隔窗紗一朝嫁夫婿共在桐  
城住門前有船船便欲爲商去驪好百年身今年涉兩春象牀銀燭下生  
此玉麒麟轉頭才四月忍作生離別臨行豈不聞懷裏兒聲咽相勸遲前  
酒綠髮黑如柳樹波起開飄參差掛牛斗猶聞香閣臥相逢夢邊過倚戶  
夕陽時不見南屏枕依稀四五年顧影自知憐相傳夫婿死貞質尚茫然  
脫却繡襦裙道恩泪萬行收得聖夫泪鮪鯉獨升堂堂上雙親老都憐外  
孫好如何妾再命再哭妣與考隻影坐空帷依依膝下兒兒能學人語口  
授柏舟詩經年機上織掩戶秋苔碧俄聞叩戶聲鵲語橋前日開姑兄夫  
面翻疑眼生眩喜極却成哀淚迸春空載兄長至父腰再拜可憐嬌寒衣

伯父去愁見港中潮端家甫涉秋販寶復東游蠻巫作神語滄海日安流  
有約明年返別來期未遠惟夢不勝悲桑田海清淺明年計音至命與貴  
天墜剪紙獨招魂江流寫雙泪妾欲赴黃泉兒生未十年提攜令長大待  
與父齊肩唾跡隣家媼不死何爲老殷勤諷巧言榕生根可倒妾自願爲  
人人誰亂鳥羣他年泉下路尚欲見夫君夫君前有婦生兒在激浦年是  
妾兒兄何須口同乳念彼孤兒隔辛苦謀衣食妾聞夫有田質在他人宅  
賣妾金鳳釵轉寄外家來說與孤兒道持此贖田回妾身自有子生理在  
十指紡績不曾閒供梁買經史燈前雪滿窗白髮幾年嫗課兒終夜讀不  
暇計更長兒今長似父祀事真堪付春秋稱孝子銜哀進鴈姐妾老兒方  
壯前期百年養不負妾初心少翁大深望有婦佩宜男如兒奉旨甘一飲  
知姑恩管養再至三焚香禱夜初細語在階除願婦同兒老母爲妾與夫  
張按察孟兼

豫讓橋

豫讓橋邊楊柳樹春至年年青一度行人但見柳青青不問當時豫讓名  
斯人已往竟千載遺事不隨塵世改斷碑零落野苔深誰識孤臣不二心

豫讓橋路千里橋下滔滔東逝水君看世上二心人過此多應羞愧死